



Silencio preocupante:

MEP ta pidi respuesta riba escalacion di actividad militar di Merca den region



Pagina 4

- **Apenas 35% di
hogarnan ta yega
na e nivel minimo
di un bida digno**
Pagina 6

- **Reinicio di
operacionnan
petrolero di
Corsou retrasa
pendiente
licencia**
Pagina 8

- **Jamaica: JN
ta fortalece
contesta
humanitario pa
recuperacion
di efectonan di
Melissa**
Pagina 11

**Raad van Advies ta urgi pa mas
transparencia, criterionan cla, y
miho supervision financiero**



Pagina 3



Mexico:
**Carlos Manzo,
alcalde di
Uruapan,
Michoacan,
asesina den
atake arma**

Pagina 10

**Trump ta menasa Nigeria cu posible
accion militar**



Pagina 23

Experto Internacional di Aruba, Suzette Dumfries:

Nation Building ta un strategia delibera pa Aruba bira resiliente cu un rumbo determina

Aruba tin practicamente 40 aña riba su mes ta nabega riba un oceano, pero unda e isla ta bayendo? Kico ta percura cu e boto por ta solido den tempo di turbulencia? Esaki ta un ilustracion cu ta muestra cu pa Aruba bay e rumbo cu kier bay, mester tin un direccion cu a fiha hunto y institucionnan estableci pa por yega e destino cu kier. Pasobra sin esakinan, e forma con ta nabegando ta determina e destino. Ta 'Nation Building,'—Construi Nacion—lo percura pa e institucionnan ta na nan luga pa dirigi e pais den e direccion desea.

Esaki ta e mensahe cu Economista di Desaroyo, Suzette 'Suzee' Dumfries a presenta na Universidad di Aruba. Dumfries, di Aruba ta un economista di desaroyo y cultura, cu ta dedica na crea economianan resiliente, y arquitecturaranan social y cultural. Cu un grado di Harvard Kennedy School, su enfoka ta riba Desaroyo Economico Sostenibel, Inclusion Economico y Empoderamento Economico. Su clientenan ta inclui gobiernonan, companianan y comunidannan. Desde 2022, Dumfries ta dirigi su mes tambe pa empodera personanan individual pa

traha, sostene y preserva rikeza generacional den e contexto di elimina e buraco den conocimiento financiero cu ta stroba comunidannan pa beneficia di desaroyo y crecimiento economico. E experto den 'Nation Building' a traha entre otro cu Dubai pa lanta su industria turistico, y tambe cu otro pais manera Barbados, Islandia, Singapore cu a mira un desaroyo cu no tabata pa casualidad. Nan a haya nan forma delibera basa riba vision, estructura y un compromiso determina pa futuro di nan poblacion.

Suzee Dumfries a bisa cu Aruba tambe merece mescos. El a splica di con e diseño di institucionnan ta importante, y con paisnan exitoso ta probecha di strategia, innovacion y bon gobernacion pa sigura resiliencia y prosperidad. "Pa Aruba, e pregunta ta urgente. Cua ta e institucionnan cu falta, cua ta e structuranan cu mester keda reforsa y con nos por taha riba e fundeshi di un nacion capaz pa wanta cualkier desafio.

Universidad di Aruba a logra yena e sala pa e presentacion di Dumfries, cu a inclui ex gobernantenan y ex parlamentarianan pero tambe miembronan di comunidad, incluso notarionan cu a re-

sponde na e invitacion, pa asina por haya un idea con miho confronta e clima economico/politico mundial actual. Tur cu e mesun preocupacion, esta con Aruba ta prepara pa un futuro asina. "Futuro di Aruba ta fragil y mas cu nunca mester di institucionnan y structuranan fuerte y resiliente, basa riba strategianan cu por forma Aruba den un cas fuerte, husto y uni, unda nos hendenan, economia y cultura por prospera."

Dumfries ta convenci cu e topico di Nation Building merece su luga na Aruba. "Aruba a dicidi pa bira autonomo. Pero cua ta e direccion cu a dicidi riba dje? Un cos ta pa refleha, pero mas importante ta pa confronta nos mes cu e pregunta si e direccion cu ta bayendo por sigui asina? Of mester pensa riba un direccion diferente?" For di e perspectiva di 'nation building,' e contesta ta simpel. "Si nos no cambia direccion of bira hopi cla unda nos kier bay, nos lo yega unda nos ta bay. Si nos no cambia nos rumbo, nos lo yega unda nos ta bayendo."

Segun Dumfries, Aruba tabatin hopi suerte. Nos tabata liber pa nabega den Reino, pero avor nos mester tin un



barco. "Pero e barco mester ta suficiente fuerte pa hiba nos unda nos kier bay. E futuro ey mester ta uno cu nos tur kier forma parti di dje. Y no por dicidi riba e direccion sin un dialogo nacional, pa asina tur hende compronde e direccion. E futuro ey mester percura pa beneficio pa tur hende. E pregunta e ora ta 'con.'"

E topico di e rijkswet supervision financiero ta cuadra den e discusion aki, segun Dumfries, ya cu e autonomia di 1986 a 'nabega' den un direccion cu a rekeri creacion di otro institucion cu netamente por mina e mesun autonomia ey. "Pues ta mescos cu ta den lama y tin un tormenta na caminda. Ami ta

determina e rumbo pero cua e ta compas cu mi tin, cua ta e mecanismo mi tin pa midi e biontonan duro. Esey ta locual Aruba mester enfoca riba dje e siguiente 10 pa 40 añanan."

Nation Building ta un ciencia, cu ta e diseño institucional y practico di un pais, cu ta enfoca riba futuro. Ehempel ta desaroyo sostenibel, pero no ta papia di e otro sector. A pesar cu tin hopi tempo ta papia di diversificacion, te ainda no a pone un institucion riba pia pa realmente traha riba diversificacion. Si berdaderamente kier ta independiente di energia fossiel pa 2030, mester tin institucion, maneho cla pa carga e proceso.

E institucionnan aki ta di educacion cu mester prepara pa checuta un proceso asina, esta por ehempel e ingenieronan di futuro den luz di e obhetivo ey. Ainda Aruba no a haci esaki. Al contrario, Aruba a crea institucionnan manera EPB, EPI, un ATA tur pa sostene turismo. No tin un modelo similar pa cualkier otro industria cu kier lanta. "Ta un cos pa papia y desea, otro ta pa tuma accion. Nation Building ta nifica pa tuma curashi pa tene un dialogo nacional, pa determina unda nos como Arubiano kier bay y kico nos identidad mester ta."

Bon Dia Aruba lo publica mas di e combersacion amplio cu Suzette Dumfries, kende ta mas cu dispuesto pa yuda Aruba hiba e dialogo necesario pa desaroya e strategianan na tur nivel, for di individuonan te na Gobierno pa fortifica e pais y hacie resiliente.



Raad van Advies ta urgi pa mas transparencia, criterionan cla, y miho supervision financiero

Recientemente Raad van Advies a publica su conseho riba e Presupuesto Nacional 2026. Den su conseho recien RvA a critica fuertemente e forma cu gobierno di Aruba ta otorga y maneha subsidio. E conseho ta bisa cu e reglanan actual falta claridad y cu e implementacion di e politica no semper ta legalmente of financieramente sano.

E Consejo ta tuma nota cu e proceduranan actual ta conduci na incertidumbre huridico y cu e reparticion di subsidio no semper ta transparente of obhettivamente hustificabel. Segun e conseho, gobierno mester fortifica e regulacionnan existente, eherce un control mas grandi riba e gastonan di fondonan publico, y splica miho dicon cierto organisacion ta haya sosten y otronan no.

RvA ta reconoce e necesidad pa innovacion, specialmente mirando e cantidad creciente di organisacionnan di sociedad civil cu ta depende di financiamiento di gobierno. No obstante, e organo di conseho ta conclui cu e concepto no ta cumpli completamente cu e rekisitonan legal y no ta duna suficiente garantia pa un politica consistente. E ta enfatisa cu cada decision pa loke ta trata otorgamento di subsidio mester ta cuidadosamente substancia, ya cu e tin consecucionnan directo pa e gasto di placa di e pagadonan di belasting.

E Consejo a tuma nota cu recomendacionnan anterior tocante e necesidad pa un sistema central pa maneho di subsidio ainda no a ser implementa. Segun e conseho di RvA, un registro asina lo yuda mantene supervision, preveni financiamiento dobel, y mehora responsabilidad.

Un di e puntonan clave den e conseho di RvA ta e falta di criterionan cla. E Consejo ta remarca cu terminonan manera "relevancia social" y "efectividad" ta ser menciona pero no tin splicacion precisa ningun caminda.

E falta di definicionnan cla ta crea e riesgo cu decisionnan di subsidio ta ser tuma arbitrariamente. Esaki ta hacie dificil pa vigila si gobierno ta actuando consistentemente y si organisacionnan ta haya tratamiento igual.

E conseho di RvA ta bisa cu condicionnan cla y midibel ta



necesario pa garantisa tuma-miento di decision obhettivo. P'esey RvA ta boga pa e introduccion di un sistema den cual cada programa di subsidio ta ser evalua periodicamente a base di metanan di rindimento estableci. Ta e ora ey so por determina si e recursonan ta contribui realmente na e metanan social pa cual nan ta destina.

Den su conseho RvA ta dedica atencion amplio na e forma cu gobierno ta vigila e uso di subsidio. Di acuerdo cu e analisis, supervision actual ta mucho fragmenta y ta falta un sistema uniforme pa evalua e responsabilidad financiero di institutonan.

Actualmente, gran parti di subsidio ta ser otorga a traves di ministerionan separa unda cada un ta aplica su propio regla y metodonan di evaluacion. Como resultado, no tin un bista central di e gastonan total, y ta keda inexplicabel si e recursonan ta ser usa di acuerdo cu e presupuesto.

E rapport di conseho ta adverti cu e fragmentacion aki ta complica supervision parlamentario. Na momento cu otorga subsidio sin mecanismonan di control cla, parlamento no por vigila corectamente si e metanan presupuestario ta ser alcanza.

P'esey RvA ta recomenda pa centralisa supervision y fortalece e rolnan di Corte di Control y Inspeccion Financiero. Di acuerdo cu e recomendacion, decisionnan di subsidio semper mester inclui rasonamento cla y un analisis di impacto financiero, di un manera cu e consecucionnan pa e presupuesto ta transparente.

Den su conseho RvA ta

atende tambe e posibel riesgonan di conflicto di interes. E Consejo ta señala cu algun institucion subsidia ta ser dirigi pa individuonan cu ta ocupa posicionnan politico of oficial. Den casonan asina, tin riesgo cu interesnan personal of partidista-politico por influencia e alocacion di fondonan di gobierno.

E Consejo ta declara cu e concepto di presupuesto nacional no ta ofrece suficiente proteccion contra e riesgo aki. Mientras cu e ta referi na e legislacion di supervision existente, e no ta ser aplica especificamente na subsidio. P'esey RvA ta recomienda pa inclui provisionnan explicito pa preveni conflictonan di interes, incluyendo a traves di obligacionnan di divulgacion y revision independiente pa sumanan di subsidio mas grandi.

Ademas, RvA ta propone pa rekeri un audit financiero externo pa sumanan mas grandi, di manera cu por eherce un control independiente riba e gasto real di fondonan.

Pa sostene su recomendacionnan, e Consejo ta referi na normanan internacional riba bon gobernacion, manera e guianan di e Organizacion pa Cooperacion y Desaroyo Economico (OECD) y CARICOM. Esakinan ta enfatisa transparencia, acceso igual y responsabilidad como principionan nucleo den e maneho di fondonan publico.

Segun RvA, reglamentonan di Aruba ta cumpli apenas parcialmente cu e normanan aki. En particular, e suministro di informacion ta inadecua: no tin un registro di subsidio accesibel pa publico, y e resultadonan di program-

anan implementa ta ser haci publico masha poco biaha.

Den su conseho RvA ta cita ehempelnan for di Corsou y Hulanda, unda cu tin plataforma digital riba cual ta publica tur subsidio, incluyendo suma, meta, y resultadonan. Door di implementa sistemanan asina, Aruba no solamente lo bira mas transparente pero tambe lo por demostra miho cu fondonan publico ta ser usa eficientemente.

E conseho di RvA ta contene varios recomendacion pa mehora e politica di subsidio. Esakinan ta enfoca riba fortalece e sistema, tanto legalmente, financieramente y organisatoriamente.

RvA ta boga pa criterionan cla y verificabel ser hancra den ley, pa asina e otorgamento y continuacion di subsidio bira mas verificabel. Tambe mester obliga gobierno pa publica tur decision di subsidio den un registro central accesibel pa ciudadanonan y Parlamento.

Ademas, RvA ta recomienda pa introduci evaluacionnan structural. Tur aña, mester evalua e grado na cual e subsidionan otorga a logra e impacto social previsto. E evaluacionnan aki mester ser usa despues pa ahusta e politica.

Tambe mester stipula con subsidio por ser retira si institutonan no cumpli cu nan obligacionnan di raportahe of si auditorianan revela cu fondonan a ser gasta ilegalmente.

Finalmente, e Consejo ta urgi reglanan cu ta preveni conflicto di interes y ta garantisa e independencia di duna-miento di subsidio. Miembronan di directiva di insti-

tutonan cu lasonan politico directo no mester ta eligibel pa subsidio di gobierno sin revision adicional.

RvA ta enfatisa e importancia di e regulacion final cu ta contene un splicacion cla di con e recomendacionnan a ser atendi. Esaki lo aumenta transparencia di politica y fortalece e seguridad huridico di institutonan.

E conseho di RvA ta bini na momento cu debate na Aruba tocante reparticion di fondonan publico ta creciendo. Tanto den parlamento como den seno di organisacionnan di sociedad civil, tin preocupacion tocante e falta di claridad den alocacion di subsidio den sectornan manera cultura, deporte, educacion, y cuidio social.

E comentarionan di RvA ta cuadra cu yamadonan mas amplio pa responsabilidad mas grandi dentro di gobierno. Door di reforma e politica di subsidio, gobierno no solamente lo mehora e legalidad di su gastonan pero tambe fortalece e confiansa di ciudadanonan den gobierno.

E conseho ta laga sa bon cla cu un sistema di subsidio transparente y responsabel ta esencial pa uso eficiente di placa di contribuyente y pa evita cu sosten di gobierno ta ser usa pa interesnan politico of personal.

RvA ta enfatisa cu bon gobernacion no ta depende solamente di regla y controlnan, pero tambe di e boluntad pa duna cuenta pa e gasto di fondonan publico. Politica di subsidio ta ser considera como un elemento importante di cultura administrativo pasobra e ta influencia directamente e relacion entre gobierno y sociedad.

Door di implementa criterionan cla, controlnan estricto, y responsabilidad publico, gobierno por, segun RvA, aumenta confiansa den gobierno y limita riesgonan legal.

RvA ta conclui cu politica di subsidio prudente no ta djis un rekisito administrativo pero un elemento esencial di gobernacion democratico. Si gobierno sigui e recomendacionnan, e por contribui na un aparato gubernamental mas fuerte y transparente y un reparticion mas equitativo di e recursonan dentro di e sociedad Arubano.

Silencio preocupante: MEP ta pidi respuesta riba escalacion di actividad militar di Merca den region

Tensionnan ta aumentando den henter Caribe despues cu un investigacion di Reuters a revela un expansion significativa di operacionnan militar di Merca den e region, incluyendo e rehabilitacion di un base bandona pa hopi tempo den e era di Guera Friu na Puerto Rico. Lider di fraccion di MEP, Evelyn Wever-Croes a manda pregunta formal na prome minister Mike Eman pidiendo respuesta tocante e posibel instabilidad regional y criticando loke e ta describi como “un silencio preocupante” di Gabinete AVP-FUTURO.

Parlamentario Wever-Croes a entrega 22 pregunta por escrito na prome minister Eman, urgiendo transparencia inmediato riba loke el a yama “un escalacion peligroso di actividad militar Mericano” den lama Caribe.

E desaroyonan aki a lanta alarma den oposicion. Dia 24 di october Wever-Croes a dirigi un carta oficial na presidente di Parlamento di Aruba Marlon Sneek, exigiendo pa prome minister contesta dentro di dos siman e 22 pregunta detaya pa loke ta trata e escalacion militar Mericano.

Wever-Croes a critica e gobierno di prome minister Eman pa no a duna ningun informacion na parlamento ni na publico a pesar di reportahe internacional extenso riba e acumulacion di Merca. Den su preguntanan por escrito, e parlamentario señala cu tanto Reuters como Al Jazeera a documenta operacionnan militar intensivo di Merca den Caribe y e parti oost di Pacifico, cu ta concerni directamente Reino Hulandes.

Parlamentario Wever-Croes ta enfatisa cu e silencio di e gobierno ta inaceptabel. El a subraya cu e actividadnan aki ta desaroyando den e vecindario inmediato y lo por tin implicacion pa seguridad y estabilidad di Aruba y Reino en general.

Den su carta, lider di fraccion di oposicion ta cuestiona e transparencia di gobierno, preparacion regional y proteccion civil. Entre e 22 pregunta entrega, varios a sobresali.



Wever-Croes a puntra prome minister Eman ki dia Gabinete AVP-FUTURO a ricibi informacion creibel pa prome biaha tocante e escalacion di actividad militar di Merca den e region, y cual instancia a keda informa; Dicon gobierno no a divulga e informacion aki na parlamento ni na publico; Y si a pone Aruba den alerta, y instancianan di seguridad local—incluyendo Guarda nos Costa y polis—haya instruccionnan special.

E parlamentario a puntra tambe si ta existi un plan di contingencia pa proteccion civil den caso di incidentenan militar, entrada di refugiado, of hostilidad transfronteriso cerca di awanan di Aruba; Si e embahada di Merca a duna garantia cu operacionnan lo no infringui soberania regional of pone seguridad di e isla na peligro; Y si Gobierno ta prepara pa convoca un debate di urgencia den parlamento di Aruba pa atende e riesgonan aki.

Wever-Croes tambe a exigi claridad riba e coordinacion di gobierno cu Den Haag. El a puntra si ministerionan di Husticia of Asuntonan Exterior na Hulanda a haci evaluacionnan huridico tocante posibel repercusionnan di accionnan militar stranhero cerca di Aruba su territorio. Expertonan a adverti cu e cercania di Aruba na Venezuela, un tiki mas cu 25 kilometer for di e costa, ta pone e isla den un posicion potencialmente vulnerabel.

Si operacionnan militar di Merca intensifica, e riesgo di incursionnan den espacio aereo, encuentronan maritimo, of movementonan di refugiado por aumenta drasticamente. Piscadonan local, operadonan di barco y stakeholdernan di turismo a expresa preocupacionnan cu

e isla por keda pega den tensionnan geopolitico fuera di su control.

Parlamentario Wever-Croes a ripiti e miedonan ey den su carta. El a puntra prome minister Eman si accionnan Mericano conduci na victima of friccion diplomatico, ki pasonan gobierno lo tuma pa protege e ciudadanonan y interesnan, pidiendo alabes un informacion publico dentro di 48 ora pa informa residentenan tocante riesgonan potencial, medidanan di preparacion, y instruccionnan di emergencia.

Oficina di prome minister Eman no a contesta publicamente riba e preguntanan di e parlamentario lider di MEP. Gobierno tampoco a confirma of nenga si Aruba a ser informa door di autoridadnan Mericano of Hulandes riba e mobilisacion militar cu ta andando.

E falta di comunicacion aki ta contrasta fuertemente cu e tono di gobiernonan bisiña. E Gobernador di US Virgen Islands, Albert Bryan Jr., a emiti un declaracion a traves di su oficina confirmando coordinacion cu autoridadnan militar di Merca, aunke el a enfatisa cu su administracion no tabata na altura di detayenan operacional. Bryan a bisa cu e presencia di Merca ta fortalece seguridad regional y ta stroba trafico di droga y arma.

Mientras tanto, na Hulanda, varios miembro di parlamento a busca aclaracion cerca e ministerio di Defensa Hulandes tocante e posibel rol di e base naval Parera di Corsou, cual ta anfitrión di personal Hulandes y Mericano bou di un acuerdo di defensa di hopi tempo.

Di acuerdo cu Reuters, e



ehercito Mericano a cuminsa cu mehoracionnan na gran escala na e base naval anterior di Roosevelt Roads na Puerto Rico, cual a cera mas cu 20 aña pasa. Imagennan di satelite y potretnan na e sitio saca mey september ta muestra tripulacionnan ta limpia y drecha e camindanan cu ta conecta na e pista principal—parti di loke analistanan di defensa ta bisa ta un esfuerso di reposicionamento strategico dentro di un distancia impresionante di Venezuela, apenas 500 miya zuid.

E base di Roosevelt Roads un tempo tabata anfitrión di un di e stacionnan naval Mericano mas grandi di mundo, hungando un rol central den operacionnan di Guera Friu. Awendia, su revitalisacion ta señala un posibel cambio den prioridadnan militar di Merca pa Hemisferio Occidental, despues di decadas di enfoke riba Europa y Medio Oriente.

Un oficial di Merca a bisa Reuters cu e base ta ofrece amplio espacio pa logistica y ensamblahe di ekipo, loke ta sugeri cu e por sostene operacionnan den futuro cu ta envolver tanto avionnan di guerra como avionnan di carga. Merca tambe a bin ta expande facilidadnan na Aeropuerto Rafael Hernández den e parti west di Puerto Rico y Aeropuerto Henry E. Rohlsen na St. Croix—dos lugar clave pa misionnan di transporte aereo y vigilancia.

E patronchinan di construccion y despliegue ta sugeri cu Washington por ta preparando pa operacionnan sosteni den of rond di Venezuela, segun fuentenan militar Mericano cita pa Reuters. Desde augustus, e Pentagono a despacha 13 barco di guerra, cinco barco di sosten, y hasta un submarino di energia nuclear pa Caribe—e despliegue di mas grandi den e region desde “Operacion Sostene Democracia” na Haiti na 1994.

Entre e activonan ta e grupo

di atake di portaavion USS Gerald R. Ford, cu mas o menos 10.000 tropa y decenas di avion; tres destructor di misil; y un flota di barconan di recarga y hospital. Avionnan di vigilancia, incluyendo avionnan di spionahe Poseidon P-8A, a bin ta bula rutanan di reconocimiento ripiti riba Bahamas y zuid direccion di Venezuela.

E ehercito Mericano tambe a realiza por lo menos 14 atake aereo riba supuesto barconan di contrabando di droga den Caribe y Pacifico for di comienso di september, matando 61 persona. Oficialnan ta pretende cu e operacionnan ta parti di e campaña priminti pa hopi tempo pa presidente Donald Trump contra rednan di narcotrafico. Sinembargo, e escala y naturalesa di e despliegue—incluyendo instalacionnan di radar, torennan di trafico aereo portatil, y almacenamento di municion na aeropuertonan civil—ta sugeri obhetivonan mas amplio.

“E tera ta bay ta siguiente,” segun Trump a bisa su partidariónan siman pasa, alimentando mas ainda e speculation cu accion militar contra Venezuela por ta inminente.

Pa Aruba, e polemica a evoluciona rapidamente di politica exterior pa responsabilisacion domestico. E carta di parlamentario Wever-Croes ta señala e falta di transparencia y informacion y ta subraya e derecho di no solamente parlamento, pero tambe di pueblo pa sa kico ta pasando den e region.

Segun cu Merca ta restaura su basenan di Guera Friu y e tensionnan ta crece den henter Caribe, e isla ta haya su mes—un biaha mas—na e crusada di strategia di poder nan grandi y vulnerabilidad di nacionnan chikito. Ta keda pa mira si gobierno di Aruba lo kibra su silencio y trankilisa ciudadanonan. Te ora esey pasa, Caribe ta vigila, y ta warda.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro

Dilma Arends

Raisa Montilla

Oriana Geerman

Ehecutivo di Benta

Sulaika Croes

sulaika.croes@cspnv.com

Mark Gomes

mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

**Administracion
accounting@bondia.com**

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Ban siña for di nos grandinan

Plantanan y frutanan pa uso medicinal

Aunke medicina occidental awo ta ampliamente usa pa malesanan comun y pa mantene nos curpa saludabel y contento, te ainda ta hopi comun den tur hogar na Aruba (y rond di mundo tambe) pa tin algun remedi casero cu ta keda pasa di generacion pa generacion. Awe nos ta comparti cu nos lectornan algun cu nos grandinan a laga pa nos durante añan-an.

Anasa

Anasa tin mas uso cu pone esaki riba bo ham di Pasco. Segun nos grandinan, e casca di e anasa ta un gran manera di refresca bo curpa. Limpia bo cuero profundamente y traha te of warapa—e termino cu ta usa pa referi na un mescla di sucu y awa—cune. Ta bisa cu e te aki tambe ta bon pa bebe despues di un operacion di ovario of utero, danki na su propiedadnan cu ta haci esaki util pa trata iritacion of inflamacion.

Arrowroot

Arrowroot ta nativo na America tropical y por ser bendi sea henter of como un puero. Ta bisa cu bo por tuma e puero di arrowroot y traha un “shalup” pa dolor di bariga of ora bo ta sinti debil. Bo por traha esaki cu lechi tambe, pero ta conseha pa usa solamente awa. Na esaki bo por agrega diferente ingrediente pa haci esaki mas dushi. Shalup di arrowroot ta bon pa trata un stoma cu no ta mucho saludable of diarea.

Pa traha shalup di arrowroot, bo ta herbe un poco awa y agrega un cuchara di puero di arrowroot y keda draai esaki te ora cu bo yega un consistencia un poco diki. Si bo traha shalup di arrowroot cu lechi, agrega un tiki di salo. Puero curu di arrowroot por ser usa pa baby tambe.

Berehein

Berehein ta facil di haya den supermarket rond mundo y por cultiva esaki henter aña riba e isla. E ta cay bao famia di e batata y tomati y ta bon pa calma bo nervionan. Tambe por usa esaki pa baha presion di sanger, pa medio di traha un te cu su blachinan.

Tambe bo por traha juice di berehein pa yuda purifica bo sanger. Sinembargo, ta importante pa bebe esaki poco poco y dun'e chance pa mescla cu bo scupi prome cu bo gulie.

Katapan di berehein, cual ta un mescla diki usa externamente pa heridan an of partinan di e curpa cu ta hincha

of ta haci dolor, tambe por ser usa pa trata tumornan riba bo cuero of hemorrhoide, adem as di ser usa pa trata artritis.

Batata dushi

Segun nos grandinan, batata dushi ta mas tanto util pa presion di sanger abao. Esnan cu ta sufri di presion abao tabata conseha come batata dushi 2 pa 3 biaha pa siman. Sinembargo, si bo tin presion halto, ta miho pa no come hopi batata dushi, pa motibo cu e creencia ta cu esaki ta hisa e presion di sanger.

Batata dushi tambe ta hopi bon pa esnan cu tin trabao di labor fisico fuerte, y ta kere cu e por yuda cu e circulacion di sanger den curpa, adem as di yuda esnan cu tin hemorrhoide y diarea.

Varios di nos grandinan a opta pa planta batata dushi nan mes, mas tanto a causa di con facil e ta pa haci esaki. Corta e punta di un batata dushi y pone esaki den awa te ora cu e cuminsa saca raiz nobo. E ora bo por planta esaki den tera.

Batata dushi tin mester di hopi awa pa crece, specialmente den e prome siman cu e ta den tera. Aparentemente, asina cu bo cuminsa ripara crack bao di e flor, ta momento pa cultiva. Esaki mester tuma luga rond di luna 3.

Granatapel

Granatapel tambe ta un di e frutanan mas facil pa planta y cultiva. Origina for di Persia, e planta aki por crece casi tur caminda. Na Aruba, tin varios cas cu tin un mata chikito of grandi di granatapel. Posiblemente bo ta pensando cua ta e diferencia entre mata grandi y chikito di granatapel, pa cual e contesta ta, den e tempo cu ta cultiva esaki. E matanan chikito ta produci granatapel mas chikito cu por cultiva mas trempa.

Contrario na esaki, e matanan grandi ta produci granatapel mas grandi pero nan tin mester mas tempo prome cu bo por cultiva esaki, di otro manera, posiblemente bo ta haya un granatapel cu simia amargo. Matanan di granatapel tambe ta hopi facil di planta, en general, si bo djis tira e simia riba vloer, e por crece bira un mata.

Pa loke ta trata su uso medicinal, e casca di granatapel tin algun beneficio pa nos salud. Segun e custumbernan, casca di granatapel por yuda esnan cu ta sufri di diarea. Casca seco di granatapel usa pa traha te tambe ta bon pa esnan cu tin bichi.



Flor di granatapel por ser herbi pa traha un bebida y por usa esaki pa un boca irita; djis bebe un bon slok y laga e te keda den bo boca pa algun


minuut.

Fuente: Remedi i Kustumber di nos Bieunan skirbi pa Dinah Veeris.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Apenas 35% di hogarnan ta yega na e nivel minimo di un bida digno


Partido RAIZ a tene su di cinco sesion di Academia di Bon Gobernacion 2025 (ABG) riba e tema 'Social & Economic Impact', dirigi pa economista Sr. Herry Koolman, un profesional cu tin mas cu 30 aña di experiencia y a cuminsa su carera na Banco Central di Aruba na 1991.

Durante e anochi, Sr. Koolman a splica e diferencia esencial entre producto interno bruto (PIB=GDP) nominal y PIB per capita, enfatizando cu crecemento real mester refleha den bida di pueblo y no solamente den cifra macro-económico. El a presenta tambe e paradox di crecemento obligatorio, referiendo na presion global pa crece constantemente mescos ora cu limitacion demografico y recurso natural ta pidi un modelo di crecemento mas sostenibel cu enfoka riba calidad y productividad.

Sr. Koolman a trata e banda fuerte y suave di politica fiscal, e banda fuerte ta tocante impuesto, gasto publico y direccion di inversion, y e banda suave ta relaciona riba comunicacion cla, confiansa y aceptacion publico. El a enfatisa cu economia ta basa riba realidad economico fuerte, y cu liderazgo responsabel mester mira esaki den cara cu transparencia y planificacion.

Un punto cu a haya atencion tabata e situacion serio di vivienda na Aruba. Segun Sr. Koolman, aproximadamente 60% di pueblo no por cumpra of yega na un cas actualmente, un reto cu ta crea presion social y financiero pa largo plaso. Tambe el a referi na e desafio di "bestaansminimum", indicando cu Aruba mester mantene un nivel minimo di capacidad economico y demografico pa sostene su economia y servicio nan publico a largo plaso.

Ademas, Sr. Koolman a indica cu Aruba ta den un fase economico structural, caminda tendencia di largo plaso tin



mas peso cu circulo corto. Segun e analisis aki, si no tin diversificacion y reforma proactivo, Aruba por enfrente un caida economico rond 2027-2028—un yamado pa accion, innovacion y gobernacion proactivo for di awor.

E sesion a duna nacemento na dialogo profundo y refleho critico tocante futuro di Aruba, y a enfatisa mas cu nunca con educacion civico, integridad y decision basa riba dato ta esencial pa un pais fuerte y stabiel.

Un tempo atras nos a publica un articulo den cual a trece

dilanti cu ta scuchando for di basta tempo caba cu e costo di bida aki na Aruba pa tanto e clase trahador como pensionadonan di Aruba. E realidad ta keda cu e costo di bida riba nos isla ta sumamente halto y pa varios hogar ta birando un dificultad pa por cubri tur e gastonan y tin un bida digno cu un libertad financiero adecua.

CBS regularmente ta comparti resultado di e Indice di Prijs di Consumo (CPI) cu un base di comparacion. Pa juni di e aña aki manera custumber, a calcula tambe e bestaansminimum.

CBS ta defini un bestaansminimum como e nivel minimo di entrada cu ta percibi como lo necesario pa un persona of famia por funciona den sociedad di un manera adecuado y socialmente aceptabel. Ora nos usa e definicion 'bestaansminimum', en realidad ta referi na un 'Sociaal Bestaansminimum' y no na e definicion literal di un 'Bestaansminimum' cu ta referi na e suma di placa necesario pa cumpra e bienes y servicicionan cu ta considera necesario pa biba un bida liber di privacionnan basico, segun e definicion di

Nacionnan Uni.

Nos a splica cu e indice a ser crea pa e 'Bestaansminimum' door di calcula e costo di tur recursonan esencial cu un adulto promedio ta consumi durante un luna. Cada luna e indice aki ta ahusta, a base di e prijsnan di alimento, paña, vivienda, transporte y otro articulonan den e canasta.

E bestaansminimum e tempo aki tabata basa riba e rapport "Bestaansminimum 2010" cu CBS a publica den juni di 2010 y ta actualisa mensualmente segun CPI. Na Juni 2025, e bestaansminimum mensual pa un hogar cu ta consisti di un solo adulto ta Afl. 2.624, cual ta representa un deficit di entrada di Afl 638 y un subida di Afl. 18 compara cu e deficit observa un aña pasa (Afl. 620). E deficit aki ta e di dos mas halto registra den un periodo di seis (6) aña pa luna di Juni.

Na e nivel cu prijsnan ta actualmente y e nivel di entrada pa hogarnan riba nos isla, ta bira dificil pa practicamente tur parti di nos pueblo por biba un bida cu ta socialmente aceptabel segun e definicion di CBS, pero tambe un bida sin privacionnan basico manera Nacionnan Uni ta defini.

Pueblo ta sigui lucha cu dificultad financiero den varios diferente parti di bida. Si tin dificultad pa cubri gastonan esencial manera bida diario, cuminda, paña y pa por cubri demas necesidadnan, menos ainda tin e libertad financiero pa por inverti den un cas mas adecua. Y esaki ta un realidad cu ta conta tanto pa nos localnan cu tin tempo bibando aki pero tambe pa nos studiantenan cu ta biniendo back cas y kier lanta nan propio hogar.

E ta un necesidad crucial pa atende cu e problema aki y asina no solamente mehora e calidad di bida di nos ciudadanonan sino tambe e oportunidadnan pa por haci inversionnan den nan futuro.

Dokter di Rotterdam sentencia pa mal conducta sexual cu studiante y pashent

(NLTimes) - Un internista di 57 aña for di Dordrecht, ex empleado na Maasstad Ziekenhuis na Rotterdam, a ricibi sentencia diahuebs pa mal conducta sexual involucrando 3 estudiante medico y un pashent.

Un internista ta un dokter cu ta duna tratamento na adultonan y ta specialisa den malesanan di e organonan interno. Rotterdam District Court a impone sentencia di 240 ora di e comunidad, un suspension profesional di 5 aña y un termino di prison suspendi. E dokter tambe mester paga dañonan na e victimanan, segun Rijmond a reporta.



Den november di 2021, 3 estudiante a entrega keho pa cu e les di echo. E studiantenan a bisa cu e internista a pusha un banda nan paña interior y a mishi nan pecho. Un estudiante a describi e incidente: “Nos ta anticipa

cu solamente un echo di e abdomen lo a ser haci, pero inesperadamente tambe el a examina e parti intimo y curason. I repentidamente mi tabata mita sunu riba mesa y mester a habri mi pianan. Mi a sinti asina vulnerable, sin

poder, asina chikito. Esaki tabata abuso di poder puro.

E studiantenan femenino a haya sa cu studiantenan masculino anteriormente a pasa door di e mesun les completamente bisti. E internista aparentemente a graba e studiantenan mientras nan tabata examina otro mita sunu, aunke e grabacion no ta disponible mas.

Durante un audiencia anteriormente, e dokter a bisa cu e camara tabata dirigi na e muraya, no e hende muhe y a bisa “mi a graba solamente pa graba e tempo con hopi e examinacion a dura. Mirando back, e tabata un accion kens.

Algun dia despues, e camara a kibra y mi a bente afo.”

Corte a haya cu e internista a abusa di su posicion, notando cu e tabata significativamente mas grandi cu e studiantenan, tabata nan menceer y tabatin un posicion di autoridad. E homber a nenga e acusacionnan.

E internista ya caba a keda despedi fro di Masstad Ziekenhuis. E directiv disciplinario regional a suspende su persona den 2023 y consecuentemente a kit'e for di e registro BIG, cual ta preveni cu e por eherce su trabao den medicina na Hulanda.

FDA ta limita uso di suplemento di fluoruro pa muchanan, mencionando riesgo nobo pa salud

(AP) — E Administracion di Cuminda y Medicamento (FDA) a move diabierna pa limita e uso di suplementonan di fluoruro cu ta ser usa pa fortalece djente di mucha, e accion mas reciente di Secretario di Salud Robert F. Kennedy Jr. y su subalternonan contra un substancia basico den cuida dental.

FDA a bisa cu e producto ya no ta recomenda pa muchanan bao di 3 aña ni pa esnan mas grandi cu no tin riesgo serio di putrimiento di djente. Antes, e producto tabata prescribi pa muchanan di apenas seis luna di edad.

E accion no a bay asina leu manera e declaracion di FDA na mei, cual tabata sugeri cu reguladornan lo busca pa elimina e producto for di mercado. En bes di esaki, e agencia a manda carta na cuater compania advertiendo nan pa no promove nan producto for di e limite nobo.

Tablet y pildonan di fluoruro ta recomenda den algun caso pa mucha y adolescentenan cu tin riesgo mas halto di putrimiento dental pa motibo di



un falta di fluoruro den awa local. Companianan tambe ta bende druppel pa baby.

FDA a publica diabierna un analisis cientifico nobo, concluyendo cu e suplemento di fluoruro tin beneficio limita pa djente di mucha y por tin relacion cu riesgo nobo pa salud, incluyendo problema intestinal, aumento di peso y efecto na cognicion.

“Pa mesun motibo cu fluoruro ta ser traha pa mata bacteria riba djente, e por tambe altera e microbioma intestinal, loke por tin implicacion mas amplio pa salud,” e agencia a bisa den un declaracion.

FDA tambe a manda un carta

na dentistanan y otro proveedor di salud advertiendo nan riba e riesgo di e producto.

E afirmacionnan aki a ser contesta pa e Asociacion Dental Americano, cu a bisa cu no tin problema di salud significativo relaciona cu fluoruro ora e ser usa na e nivel cu dentista ta prescribi. E suplemento por causa manchanan of descoloracion riba djente pa motibo di un exceso di fluoruro, algo cu e FDA mes a reconoce.

Dentistanan ta adverti cu limita e suplemento di fluoruro por resulta den mas putrimiento y problema dental den comunidatnan rural, caminda awa cu fluoruro ta menos comun. Kennedy tambe ta buscando pa termina cu e practica di agrega fluoruro na awa potabel den henter Merca. Segun e Centro pa Control y Prevencion di Enfermedadnan (CDC), fluoruro ta for-

talece djente y ta reduci putrimiento por medio di reemplaza mineralnan perdi durante uso normal. Na 1962, e agencia a establece guianan pa e cantidad cu mester ser agrega na awa.

Kennedy, un ex-abogado ambiental, a yama fluoruro un “neurotoxina peligroso” cu tin conexion na diferente

riesgo pa salud.

FDA ta regula mayoria produccion dental, incluyendo pasta di djente cu fluoruro, suplemento, y producto pa spula djente. E medida no ta afecta pasta di djente, liquido pa spula of tratamiento di fluoruro pa adultonan of esnan suministra den oficinan di dentista.



De Minister belast met Onderwijs is voornemens in het openbaar aan te besteden, het project:

“Restauratie en uitbreiding van het beschermd monument Beatrix School gelegen te G. Maduro straat – technische installaties t.b.v. mechanische luchtbehandeling”
Volgens bestek BS2025-Tech/M, d.j. 2025

Korte omschrijving van het werk:
Het werk bestaat uit:

Het leveren en aanbrengen van nieuwe mechanische luchtbehandeling installaties in het bestaande gebouw alsook de twee uitbreidingen

Uitvoeringstermijn: **375 werkbare werkdagen** na datum van aanvang exclusief bestelling tijd.

Het bestek is vanaf **3 november 2025** verkrijgbaar bij het Juliana School N&T lokaal gelegen op de hoek van Beatrixstraat en George Madurostraat tegen betaling van **Afl. 200,00**. Vóór het halen dient eerst bij de kassier van DOW betaald te worden en met betalingsbewijs kan het bestek gehaald worden tussen 12.00 nm en 3.00 nm bij het Juliana School N&T lokaal. De betaling te voldoen bij de kassier van de Dienst Openbare Werken (DOW). De Openbare bescheiden liggen ter inzage vanaf **3 november 2025** bij het Juliana School N&T lokaal gelegen op de hoek van Beatrixstraat en George Madurostraat.

Inlichtingen worden verstrekt op **11 november 2025** om 9.00 vm bij het Juliana School N&T lokaal gelegen op de hoek van Beatrixstraat en George Madurostraat. De Nota van Inlichtingen wordt vastgesteld op **20 november 2025**. De Openbare aanbesteding vindt plaats op **10 december 2025** om 10.00 vm op het kantoor van de Directeur van de Dienst van Openbare Werken.

De inschrijver moet bij zijn inschrijving de volgende vereisten overleggen:
1. Bewijs van inschrijving in het register van de Kamer van Koophandel van Aruba. (niet ouder dan 6 maanden).
2. Specificatie inschrijfsomformulier.
3. De staat van eenheidsprijzen voor verrekening van meer- en minderwerken.
5. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.



Reinicio di operacionnan petrolero di Corsou retrasa pendiente licencia di OFAC di Merca

(CuracaoChronicle) - Plannan pa reinicia e operacionnan di refinamento y almacenamento di petroleo di Corsou cu a para pa hopi tempo a keda retrasa pa motibo di falta di un licencia renoba di OFAC (Oficina di Control di Activonan Stranhero) di Merca, director di 2Bays Energy, Patrick Newton, a confirma durante un encuentro den Parlamento e siman aki.



Sin e autorisacion aki, Corsou ta legalmente prohibi di procesa of comercialisa crudo Venezolano, parando un componente clave di e acuerdo di areglo entre e isla y e compania estatal di zeta di Venezuela PdVSA.

E licencia di OFAC—originalmente emiti pa e Departamento di Tesoro di Merca—a caduca na december 2024. 2Bays a entrega un peticion di renobacion caba a traves

di su representantenan legal, pero e no a ser procesa ainda pa autoridadnan di Merca.

E licencia ta crucial pasobra e ta permiti ricibi y exportacion di crudo Venezolano, loke ta permiti PDVSA pa paga su debenan pendiente bou di e acuerdo di areglo di Corsou. Sin aprobacion di Merca, e acuerdo no por sigui.

2Bays a busca un estructura similar na esun di e autori-

sacion OFAC existente di Chevron, cu ta permiti e compania di zeta Mericano pa conduci transaccionnan limita cu PDVSA. Sin embargo, e peticion di Corsou te awor a ser nenga of posponi.

Mientras ta warda riba e decision di OFAC, Vigor Midstream Ltd., cu a tuma over operacionnan di Oryx Midstream na mei, ta buscando carganan di crudo alternativo for di Colombia pa mantene

operacionnan di almacenamento limita na Emmastad y Bullenbaai.

Prome Minister Gilmar Pisas a declara cu Vigor ta keda comprometi na reanuda actividadnan completamente unabes cu tur permiso ta sigur. E acuerdo di concesion di 30 aña cu 2Bays ta inclui pagonan anual di USD 15 miyon, di cual USD 8 miyon a ser paga caba.

E incertidumbre continuo a crea ansiedad bou di trahadonan di refineria. Bou di e acuerdo, 250 empleado ta cla pa ser transferi formalmente pa Vigor pa 1 di juli 2027. E compania, hunto cu 2Bays, ta explorando si e proceso aki por ser acelera.

Si e operacionnan expande manera plania, Vigor ta spera di crea 70 cupo di trabou adicional, revitalizando un di e sectornan industrial mas significativo di Corsou.

A pesar di e retrasonan, e preparacionnan na Bullenbaai ta continua. Durante e prome cinco aña, Vigor a compromete na inverti mas cu USD 70 miyon, pendiente di e finalisacion di estudionan tecnico y ambiental continuo.

Corsou su industria petrolero a keda inactivo desde salida di PdVSA dia 31 di december 2019, despues di decadanan di operacion di refineria. E yegada di Vigor a lanta speranza pa un resucitacion economico, pero e exito di e proyecto awor ta depende pa gran parti di e politica di sancion di Merca y desaroyonan geopolitico mas amplio.

Manera Newton a resumi na Parlamento: “E infraestructura, e partnernan y e forza laboral ta cla—nos ta simplemente wardando e luz berde di Washington.”

Curoil Bonaire ta adkiri ex terminal BOPEC: Enfoke riba saneamento y reinicio

(BonaireNu) - E adkision di e tereno anterior Bonaire Oil Petroleum Corporation (BOPEC) door di Curoil Bonaire Terminals N.V. a keda oficialmente finalisa dia 30 di october 2025. E traspaso di e tereno di huur tambe ta marca e inicio di un saneamento na gran escala di e sitio hopi contamina, atendiendo asina cu un problema ambiental significativo riba Boneiro.



E saneamento lo ser coordina dor di e Fundacion di

Saneamento di Sitio di BOPEC cu a caba di establece, segun un plan cu a ser aproba for di e tempo ey pa Inspeccion di Medio Ambiente y

Transporte (ILT). Mas cu €22 miyon di e herencia di bancarota di BOPEC a ser poni disponibel pa e limpieza, incluyendo un reserva di

riesgo. Esaki lo evita cu e gastonan ta ser carga pa futuro generacionnan of pagador di belasting di Boneiro.

Segun Consejo Ehecutivo, e traspaso ta marca un punto significativo den e politica ambiental di e isla, pero tambe ta parcialmente bon noticia pa economia di e isla. Reinicio di e terminal, bou di maneho di Curoil, mester contribui na Boneiro su seguridad di energia y combustibel y crea cuponan di trabou nobo, particularmente na Rincon.

Curoil a indica su intencion pa reinstala e mayoria di ex empleadonan di BOPEC. Tambe a keda acorda cu e aña aki lo paga e demandanan pendiente di ex-empleadonan, incluyendo salarionan cu no a ser paga.

E traspaso formal ta sigui lunanan di consulta entre Consejo Ehecutivo, e ontvanger, y Curoil, habriendo caminda pa un redesaroyo cu ta combina tanto obhetivonan economico como ecologico.

GroenLinks-PvdA lo eligi lider nobo memey di preguntanan riba identidad di partido

(NLTimes) - GroenLinks-PvdA lo selecta un lider nobo di partido, un escogencia cu lo forma tanto e imagen publico di e partido como su strategia politico.

Segun NU.nl, e lider nobo lo mester convence tanto miembronan como votadornan cu union di GroenLinks y PvdA tabata e decision correcto, dicidi si y con e partido mester participa den gobier-

no, y pone e tono pa e mensahe publico di e partido.

“E lider nobo no ta un cuidador,” fuentenan di partido a bisa NU.nl, señalando cu e persona eligi lo guia e partido durante e eleccionnan municipal di 2026 y idealmente sigui den e rol mas aleu di esey.

E fusion mes ta completo. Segun informe, miembronan a sostene e sindicato di forma

abrumador, loke ta nifica cu ratificacion formal ta pa gran parti ta regla. Loke ta keda sin resolve ta e trayecto ideologico di e partido: con firmemente e lo keda hancra den democracia social, y cuanto e lo brasa politicanan ecosocialista berde.

Matthijs Rooduijn, un cientifico politico na Universidad di Amsterdam, a bisa Nieuwsuur cu “e base di miembresia y votador di GroenLinks-Pv-

dA a bira mas homogeen.”

E cientifico a haya cu e partidarijonan awor ta parece mas e votadornan di GroenLinks prome cu e fusion cu e votadornan di PvdA: altamente educa, pro-migracion, politicamente confiabel, y concentra den ciudadnan. “Bo por papia di un ‘GroenLinksificacion’ di e base di GroenLinks-PvdA,” el a bisa.

E cambio ta marca un salida



for di e alcance anterior di e partido. Na 2010, votadornan di PvdA tabata geograficamente generalisa. Pa 2023, GroenLinks-PvdA ta principalmente urbano.

Municipalidadnan Hulandes ta yama declaracionnan di eleccion fraudulento ‘un menasa pa e estado di derecho’

(NLTimes) - E Asociacion di Municipalidadnan Hulandes (VNG) a yama “declaracionnan recien” cu ta critica e proceso di eleccion “un menasa pa e estado di derecho democratico,” e organisacion a bisa den un declaracion cortico.

VNG a describi e acusacionnan como tendencioso y sin base. Nan “ta falta cu alquier forma di evidencia y p’esey ta forma un menasa directo pa e estado di derecho democratico,” e organisacion a bisa.

Mas prome e siman aki, lider di PVV Geert Wilders a bay riba medianan social pa pretende cu e eleccionnan nacional no tabata legitimo. Wilders a comparti imagen



di varios mensahe cu el a bisa cu su partido a ricibi, aunke e no a duna ningun fuente pa e material.

Presidente di VNG, Sharon Dijksma, no a declara explicitamente cu e declaracion di e organisacion tabata un contesta riba e publicacion of accionnan di Wilders.

“E proceso di eleccion den municipalidadnan ta ser conduci cu e maximo cuido y transparencia. Nos personal y e tantisimo boluntarianan ta traha sumamente duro pa garantis cu tur cos ta cana transparentemente, cuidadosamente, y corectamente,” Dijksma a bisa na

number di e municipalidadnan.

“Mina e integridad di alcalde nan sin basenan factual ta dañu no solamente nan posicion, pero tambe e confiansa di ciudadanonan den nos institucionnan democratico,” el a agrega.

Riba diahuebs, e Consejo Electoral (Kiesraad) tambe a responde na e declaracionnan di Wilders, rechasando e acusacion cu e seguridad di e software di eleccion a ser analisa pa un compania propiedad di un confidente di e partido D66.

“E version actual di e Ondersteunende Software Verkiezingen a ser “pentested” (un test cortico pa penetracion) pa Fox-IT,” e consejo a bisa

den un publicacion riba X. “Y no pa HackDefense B.V., cu tin lasonan cu D66, manera Wilders a pretende.” Un pentest ta un revision di seguridad autorisa den cual hackernan etico ta purba di kibra sistemanan mescos cu hackernan malicioso lo haci, pa detecta y fortalece debilidadnan.

Wilders tambe a comparti publicacionnan tocante supuesto irregularidadnan cu papelnan di votacion na Maastricht, Leiden y Zaansstad. Un vocero di Zaansstad a yama e informenan “un disparte total.”

Kiesraad a bisa cu e no tabata na altura di ningun error na Maastricht, Leiden, of Zaansstad.

Watchdog Hulandes ta adverti di peligernan di hipoteca di interes so, pero panico ta no hustifica

(NLTimes) - Aunke hipoteca cu interes so ta birando menos popular, nan ta keda extendi na Hulanda. Reguladornan financiero ta considera e tipo di hipoteca aki riesgoso, pero expertonan ta bisa cu mayoria doño di cas di edad tin poco motibo pa preocupa of paga nan fianza trempan, NU.nl a informa.

Mas cu mitar di e debe hipotecario Hulandes ta consisti di prestamonan cu solamente interes, cu ta suma casi 900 biyon euro, segun e Autoridad pa e Mercadonan Financiero (AFM). Contrario na anualidad of hipotecanan lineal, prestamista cu fianza cu solamente interes ta paga solamente interes—no e capital. “Esaki por conduci na problemanan na fin di e termino,” AFM a adverti. Doñonan di cas cu ta baha cu pensioen of ta experiencia un cambio den empleo por haya nan mes incapaz di paga back of refinancia nan fianza ora e termino termina.

Banconan ta urgi prestamista di edad mas halto pa reconsidera nan structuranan di hipoteca. Un doño di cas di 60 aña cu un fianza di interes so cu ta caduca den dies aña, por ehempel, no por asumi cu e lo por tuma un nobo.

E tipo di hipoteca ta raro otro caminda na Europa, y Banco



Central Europeo (BCE) pa hopi tempo a pusha Hulanda pa kita esaki gradualmente. “ECB ta mira hipoteca di solamente interes na Hulanda como un riesgo y kier reduci e riesgonan pa banconan y nan clientenan,” Sander Burgers, un economista di mercado di vivienda na ING, a bisa NU.nl. Sinembargo, e condicionnan a bira mas estricto. Desde 2013, hipoteca nobo cu solamente interes por cubri solamente 50% di e balor di un propiedad y no ta eligibel mas pa deducionnan di impuesto riba interes di hipoteca.

Asina mes, algun den e industria ta bisa cu reguladornan ta exagera e menasa. “En realidad, e problema a ser pa gran parti crea,” Michiel Meijer, director comercial na De Hypotheekshop, a bisa e corant. “Hipoteca cu solamente in-

teres ta existi na Hulanda pa decadas caba, pero e restriccionnan creciente ta afecta principalmente personanan riba 50 aña.”

Meijer a señala cu hopi doño di cas den e grupo di edad aki a tuma nan hipoteca bou di reglanan mas bieu. Ora nan muda of refinancia, nan ta confronta condicionnan mas estricto. El a usa su mes como un ehempel: “E porcion di interes so di mi hipoteca ta 20% di e balor di mi cas. E chens cu mi cas lo baha den balor suficiente pa haci pago imposibel ta casi cero.”

A pesar di e riesgo abou, Meijer a bisa cu banconan ta mand’e advertencia repetidamente. “Regularmente nan ta bisa mi cu mi mester termina mi hipoteca di solamente interes,” el a bisa, agregando cu hopi cliente tambe ta yama

De Hypotheekshop den panico despues di a ricibi mensahenan similar.

Meijer a urgi e legisladornan pa evita cu politicanan nobo ta crea dificultadnan innecesario. “E tipo di hipoteca

aki ya ta ser elimina naturalmente,” el a bisa. “Pues evita di causa problema pa centenares di miles di hende riba 55 aña—no haci nan insegur tocante nan finanzas of incapaz pa move.”



De Minister belast met Onderwijs is voornemens in het openbaar aan te besteden, het project:

“Restauratie van het beschermd monument Beatrix School gelegen te G. Maduro straat”
Volgens bestek BS2025, d.j. 2025

Korte omschrijving van het werk:
Het werk bestaat uit:

Het restaureren van het bestaande schoolgebouw inclusief de aanleg van nieuwe speelterreinen en parkeerplaatsen
Uitvoeringstermijn: **375 werkbare werkdagen** na datum van aanvang exclusief bestelling tijd.

Het bestek is vanaf **3 november 2025** verkrijgbaar bij het Juliana School N&T lokaal gelegen op de hoek van Beatrixstraat en George Madurostraat tegen betaling van **Afl. 350,00**. Vóór het halen dient eerst bij de kassier van de DOW betaald te worden en met betalingsbewijs kan het bestek gehaald worden tussen 12.00 nm en 3.00 nm bij het Juliana School N&T lokaal.

De betaling te voldoen bij de kassier van de Dienst Openbare Werken (DOW). De Openbare bescheiden liggen ter inzage vanaf **3 november 2025** bij het Juliana School N&T lokaal gelegen op de hoek van Beatrixstraat en George Madurostraat.

Inlichtingen worden verstrekt op **11 november 2025** om 11.00 vm bij het Juliana School N&T lokaal gelegen op de hoek van Beatrixstraat en George Madurostraat.
De Nota van Inlichtingen wordt vastgesteld op **20 november 2025**.
De Openbare aanbesteding vindt plaats op **10 december 2025** om 11.00 vm op het kantoor van de Directeur van de Dienst van Openbare Werken.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel van Aruba. (niet ouder dan 6 maanden).
2. Bereidheidsverklaring tot het instellen van een bankgarantie of borg.
3. Het specificatie inschrijfsomformulier.
4. De staat van eenheidspreizen voor verrekening van meer- en minderwerken.
5. Een lijst van in te schakelen onderaannemers.
6. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Tasanan di interes mas abou, mas credito externo pa sector priva, y señalnan pa negoshinan: E strategia di gobierno Argentino pa reactiva economia

(Infobae) - E team economico a cuminsa un fase nobo despues di e victoria di eleccion, enfocando su strategia riba reduccion di interes den peso, impulsa credito y promove recuperacion economico. E ritmo di estabilisacion di dollar ta clave pa e proceso aki.

Paralelo, e reduccion di e indice di riesgo di pais ta permiti companianan bolbe na financiamiento externo y lansa inversionnan nobo, cu un enfoko fuerte riba petroleo y gas, specialmente esnan vincula na Vaca Muerta.

E prome señal a bini den un destaho ora cu e Ministerio di Finanzas a renoba solamente 57% di e debe di vencemento y a libera 5 biyon di peso. Wise Capital ta mira e decision aki como un preferencia pa modera e tarifanan—cu expectativanan di estabilisacion entre 30% y 40% di e tarifa nominal anual (TNA)—en bes di forsa un ‘rollover’ completo di debe, buscando pa normalisa e mercado despues di lunanan

di tension relaciona cu eleccion.

Banco Central a modifica e maneho di rekisitonan di reserva bancario, cu, entrante 1 di november, lo ser calcula mensualmente, cu un minimo diario di 95%. E rekisitonan di reserva ta keda na 53%, y banconan ta sperando riba mas alivio. Den e cuadro aki, gobierno ta enfrente e reto di controla likides y e presion riba e mercado di divisa, cu a intensifica prome cu eleccion.

Segun e firma di consulta Romano Group, Tesoro, e Banco Central di Argentina (BCRA), y Tesoro di Merca a provee cobertura di divisa pa USD 22,6 biyon, representando 43% di M2 (agregado monetario).

Na september, e ahuste monetario a causa un bahada fuerte den credito, specialmente durante e eleccionnan provincial di Buenos Aires. Sinembargo, tabatin un recuperacion na october. Datonan di EcoGo, basa riba cifranan di BCRA, ta muestra cu fianza den peso a crece cu 1.3% den



terminonan real luna pa luna, despues di a cay cu 1% na september.

Prestamonan garantisa pa colateral a lidera e crecimiento, aumentando cu 5% den terminonan real. Credito den peso ta representa apenas 8,7% di GDP, leu for di e maximo di 2017 di 12,7%, lagando espacio pa mas expansion si e condicionnan ta favorabel.

Historicamente, credito total (den peso y dollar) a alcanza 11,5% di GDP na october, e nivel mas halto for di 2020, aunke e ta keda bou di e

puntanan entre 2016 y 2018. E tendencia aki ta indica un recuperacion despues di estabilisacion di tasa di cambio y inflacion mensual mas abou, aunke e sistemanan financiero ta refleha e contraccion financiero ainda desde e pandemia y e crisis di 2019. E proceso electoral no a interumpi e recuperacion, pero e base di credito ta keda abou compara cu periodonan di mayor dinamismo bancario na Argentina.

Lorenzo Sigaut Gravina, director di analisis macroeconomico na Equilibra, a

bisa Infobae: “E bahada den credito di peso a afecta prome negoshinan y despues famianan, caminda e tasanan di delincuencia ta na nivelnan record. E fenomeno aki ta debi na interesnan sumamente halto y e dificultad cu hopi famia ta enfrente pa cumpli cu obligacionnan di debe basa riba promesanan real cu nunca a materialisa.”

Sigaut Gravina a splica: “E cos interesante ta cu gobierno ta buscando pa estabilisa politica monetario despues di un periodo di inestabilidad significativa, durante cual e tasa di interes di referencia a yega te na dos punto di porcentahe riba inflacion.”

Segun e economista, e normalisacion aki lo para e tendencianan di recesion di e di tres trimestre y trece cierto estabilidad pa actividad economico, aunke crecimiento sosteni lo rekeri medidanan adicional. E riesgo principal ta keda: e posibilidad di turbulencia di moneda renoba, cu por forsa un parada of anulacion di e reduccionnan di tarifa.

Mexico: Carlos Manzo, alcalde di Uruapan, Michoacan, asesina den atake arma

(Infobae) - Carlos Manzo, alcalde di Uruapan, Michoacan, a muri despues di a ser tira mientras e tabata den e centro historico di e ciudad durante e Festival di Candela diasabra anochi, 1 di november.

Gabinete di Seguridad Mexicano a confirma e morto di e alcalde despues cu el a ser hiba pa un hospital cu heridanen di bala. Tambe a ser informa cu un di e agresornan a ser mata na e sitio y cu e crimen aki lo no keda sin castigo.

Segun informenan, e alcalde a caba di termina su presentacion na e evento di Dia de los Muertos ora cu, memey di e multitud, el a ser ataca cu mas o menos seis tiro pa individuanan arma.

Videonan comparti riba medionan social a capta e momento cu e tironan a ser tira den e plaza principal di e ciudad, causando susto entre e asistentenan, cu a grita e nomber di e alcalde.

Mester tuma nota cu Man-

zo tabatin dos bodyguard di Guardia Nacional (GN) cu tabata compañ'e durante su tarea y operacionnan diario. Mas ainda, mirando cu tabata trata di un evento publico y di famia, e alcalde no tabatin e bulletproof vest bisti cu e tabatin custumber di bisti.

Autoridadnan a informa cu e secretario di Obra Publico tambe a keda herida na e sitio. Mientras tanto, e agresor di e alcalde a ser mata na e sitio, y dos persona a ser deteni.

Despues di e atake riba e alcalde, personal di Gobierno di Estado di Michoacán y Gabinete di Seguridad a keda desplega pa sigura e area y mantene patruyanan pa garantisa e seguridad di e residentenan presente.

E gobernador di Michoacán, Alfredo Ramírez Bedolla, a condena e asesinato di e alcalde di Uruapan y a informa cu e Secretario di Seguridad Publico, Juan Carlos Oseguera Cortés, como tambe Guardia Nacional, ta den e municipio pa coordina medidanan di seguridad.

Despues, a keda confirma cu e agresor di e alcalde a ser mata na e sitio y cu e arma cu el a usa den e atake a ser recupera.

Di su banda, e Secretariado di Seguridad Publico di Estado (SSP) a detaya riba su medionan social cu ningun civil a resulta herida den e incidente.

Durante su periodo como alcalde di e municipio, cu a cuminsa na september 2014, Manzo a sobresali pa su accionnan contra crimen organisa.

Riba su cuentanan di medionan social, el a exige ayudo di tanto presidente Claudia Sheinbaum Pardo como tambe e hefe di e Secretariado di Seguridad y Proteccion di Ciudadano (SSPC), Omar García Harfuch, dilanti di e violencia den e estado.

Tambe el a realisa detencionnan di asesinonan identifica como miembronan di e Cartel di Generacion Nobo di Jalisco (CJNG) cu sosten



di Polis Municipal.

Manzo tambe a denuncia e existencia di un pacto ilicito entre autoridadnan y crimen

organisa. Mirando su operacionnan constante pa combati violencia, e alcalde a afirma cu e lo sigui bringa esaki hasta si e costa su bida.

Cuba: NGO ta denuncia “genocidio silencioso” cometi pa e regimen den e crisis di salud cu ta devasta Cuba

(CiberCuba) - E Observatorio Cubano di Conflicto (OCC) a defini e crisis di salud na Cuba como un “genocidio silencioso,” despues di a analisa e protesta y informenan di ciudadano di october ultimo.

Segun e organisacion no gubernamental, e combinacion di negligencia estatal, falta di recursonan basico, y falta di informacion a conduci na un caida epidemiologico cu awor ta afectando henter e pais y di cual su berdadero magnitud e regimen di Miguel Díaz-Canel ta nenga di reconoce.

Aunke e Ministerio Cubano di Salud Publico (MINSAP) solamente a confirma tres morto vincula na brote viral, informe di ciudadano y e investigacion di OCC ta indica cu e cantidad real di morto ta hopi mas halto.



Den un comunicado di prensa manda pa e sala di redaccion aki, e NGO a revela cu el a compila un lista preliminar di victimanan—cu ta consisti di mas cu un dozijn di caso identifica den varios provincia—cu e gobierno simplemente ta nenga di reconoce.

“Nan ta matando nos,” ta un slogan comun riba medianan social. E frase ta encapsula e sentido penetrante di abandono riba e isla. Segun e OCC, e crisis di salud no ta resultado di un desaster natural of e embargo, sino mas bien di un maneho estatal plaga pa corrupcion y un desconsideracion pa bida hu-

mano.

E rapport di OCC a recorda cu for di augustus ultimo, Miami Herald a revela cu e conglomerado militar-negoshi GAESA ta posee aproximadamente \$18 biyon den cuenta y paraisonan fiscal.

Sinembargo, ningun di e fondonan aki ta parece di a ser usa pa cumpra truck su sushi, combustibel, of suministronan basico pa garantisa higiena publico riba e isla.

E inaccion aki a converti dumpnan di sushi den un bista comun den ciudadnan Cubano, multiplicando criadero pa malesa. Ora e temporada di awasero di 2025 a yega, no tabatin kimico, ni combustibel pa e spuitnan di tas di lomba cu tabata ser usa pa fumigacion: sangura a proliferar sin control.

E resultado ta conoci caba pa e Cubanonan: e convivencia nacional di arbovirusnan manera dengue (incluso e variante hemorragico), chikungunya, Zika, oropouche, y otro malesanan infectivo manera Hepatitis A.

Ademas, e falta di medicina y reactivonan diagnostico ta empeora e situacion. Den pueblonan manera Cárdenas (Matanzas) y Perico (Matanzas), practicamente henter e poblacion a haya “e virus,” manera nan ta bisa, mirando e imposibilidad di sa exactamente cual.

Esaki a ser documenta tambe den prensa local: por ehempel, den e provincia di Matanzas, a tuma nota cu “hasta e grandinan, cu no ta ni sali pafo, a haya dengue.”

Jamaica: JN ta fortalece contesta humanitario pa recuperacion di efectonan di Melissa



(JamaicaObserver) - Segun cu e imagen devastador di e daño y destruccion generalisa causa pa horcan Melissa ta sigui desaroya, specialmente den parokianan Occidental, e Grupo JN a profundisa sosten humanitario pa yuda den e esfuersonan di recuperacion.

Den un declaracion diadomingo ultimo Jamaica National a comparti cu e lo ta reintroduciendo e Fondo ISupportJamaica pa canalisa donacionnan di Jamaikinonan den exterior, pa asisti den esfuersonan di alivio y reconstruccion den e arenan mas afecta, esta institutonan di infancia trempnan, facilidatnan di salud y casnan pa hende grandi, y otro gruponan vulnerabel.

“Mundo ta respondiendo na e situacion di Jamaica y nos ta conmovi pa e derame di

sosten,” Claudine Allen, gerente general, JN Foundation, a bisa, agregando cu “Jamaikinonan na Reino Uni ya a compila articulonan significante cu no ta dañá y suministronan di higiena cu ta destina pa Jamaica.”

Ademas di e Fondo ISupportJamaica, e Grupo JN ta acomoda e boluntarismo di su empleadonan y ta colabora pa sostene instancianan estatal y partnernan di gobierno pa debilbe un sentido di normalidad na comunidatnan mas afecta. Un cuerpo di boluntarionan di empleado di JN a ser mobilisa door di e Fundacion JN den cooperacion cu St. John’s Ambulance y e compania miembro di JN Group, e Asociacion di Auto di Jamaica (JAA), pa duna cuidu medico bon necesario y asisti cu kitamento di sushi. E prome set di boluntarionan a duna sosten na varios comunidad na St. Elizabeth den un dia di sirbishi ayera diadomingo 2 di november y lo reuni segun ta necesario pa otro actividadnan.

“E situacion aki ta garantisa nos colaboracion pa yuda alimenta esfuersonan di recuperacion pa esnan mas afecta. Trahando hunto cu e gobierno di Jamaica y otro instancianan caritativo, nos a evalua e necesidadnan cuidadosa-

mente, pues nos decision pa sostene e suministro di no solamente cuminda y articulonan, pero asistencia medico y prome ayudo basico. E hospitalnan den e region ta dañá, y limita y cuidu urgente, y, na mesun momento, movernan ta limita pa motibo di monton di sushi,” Allen a splica. “Nos mester di tur man cu por yuda.”

Allen a bisa cu mester implementa medidanan sostenibel tambe pa mantene e fluho di ayudo den transcurso di tempo. El a señala cu e Fundacion ta trahando a traves di su red di gruponan di servicio di base, JN Circle, pa duna sosten riba tereno na comunidatnan den henter Jamaica.

“Pa medio di e JN Circle nos por a canalisa alrededor di \$20 miyon na ayudo durante e ultimo dos añanan pa casnan di mucha, institutonan di infancia, organisacionnan di hende muhe, y hendenan cu mester di ayudo, entre otro,” Allen a delinea. “Y nos lo ta trahando a traves di nan awor y cu tempo pa entrega sosten na comunidatnan.”

Aceptando cu comunicacion ta keda un reto, el a señala, “Ta importante pa sostene e yamada pa instancianan cu ta trahando pa trece tur hende hunto, manera e Consejo pa

Servicio Social Boluntario, CVSS,” y a urgi Jamaikinonan cu kier yuda pa inscribi pa boluntario pa proyectonan di alivio cu ta ser desplega.

“Esaki ta e momento cu nos mester pa cuida nos rumanan. Nos lo recupera y reconstrui solamente si nos hacie hunto,” el a conclui.



De Minister belast met Onderwijs is voornemens in het openbaar aan te besteden, het project:

“Restauratie en uitbreiding van het beschermd monument Beatrix School gelegen te G. Maduro straat – technische installaties t.b.v. elektra, zwakstroom, verlichting & beveiliging”
Volgens bestek BS2025-Tech/E, d.j. 2025

Korte omschrijving van het werk:
Het werk bestaat uit:

Het leveren en aanbrengen van nieuwe elektrotechnische installaties, verlichting en beveiligingsinstallaties in het bestaande gebouw alsook de twee uitbreidingen

Uitvoeringstermijn: **375 werkbare werkdagen** na datum van aanvang exclusief bestelling tijd.

Het bestek is vanaf **3 november 2025** verkrijgbaar bij het Juliana School N&T lokaal gelegen op de hoek van Beatrixstraat en George Madurostraat tegen betaling van **Afl. 275,00**. Vóór het halen dient eerst bij de kassier van DOW betaald te worden en met betalingsbewijs kan het bestek gehaald worden tussen 12.00 nm en 3.00 nm bij het Juliana School N&T lokaal. De betaling te voldoen bij de kassier van de Dienst Openbare Werken (DOW). De Openbare bescheiden liggen ter inzage vanaf **3 november 2025** bij het Juliana School N&T lokaal gelegen op de hoek van Beatrixstraat en George Madurostraat.

Inlichtingen worden verstrekt op **11 november 2025** om 9.00 vm bij het Juliana School N&T lokaal gelegen op de hoek van Beatrixstraat en George Madurostraat..
De Nota van Inlichtingen wordt vastgesteld op **20 november 2025**.
De Openbare aanbesteding vindt plaats op **10 december 2025** om 10.00 vm op het kantoor van de Directeur van de Dienst van Openbare Werken.

De inschrijver moet bij zijn inschrijving de volgende vereisten overleggen:
1. Bewijs van inschrijving in het register van de Kamer van Koophandel van Aruba. (niet ouder dan 6 maanden).
2. Specificatie inschrijfsomformulier.
3. De staat van eenheidsprizen voor verrekening van meer- en minderwerken.
5. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Heidi Klum ta revela su costume pa Halloween di e aña aki

(AP) - Heidi Klum a converti su mes den Medusa pa Halloween diabierna.

Klum a bisa cu e ta stima e mito Griego di Medusa, den cual un diosa ta converti un muhe bunita den un monster cu serpiente como cabey, ken su bista ta converti tur ser bibo den piedra. “Pues mi echt tabata kier ta un Medusa hopi hopi hopi mahos. Y mi ta sinti cu nos a logra - exactamente,” Klum a bisa prome cu señala e djentenan den su boca.

Su casa, musico Tom Kaulitz, a bisti como un homber converti den piedra. Klum aconta cu el a pasa 10 ora ta prepara su costume pa su fiesta anual di Halloween. El a bisa cu el a bal la pena pa motibo cu e ta stima e celebracion.



E modelo cu a converti den un personaldia di television a bira viral den 2022 ora cu el a yega su fiesta bisti di bichi

pega na un liña di pesca.

Den e ultimo añanan, Klum a bisti como un Transformer, un wolf di Michael Jackson



su video musical pa e hit “Thriller,” un clon compaña pa varios persona similar na Klum y Kali, e diosa di destruccion y morto den creencia Hindu.

Klum a bisa cu e ta cuminsa plania su costume for di proximo aña inmediatamente

despues cu su fiesta ta caba.

Entre e otro nan celebradnan cu a cana riba e mat Hard Rock Hotel New York tabata un Darren Criss como Shrek, Maye Musk como Cruella de Vil y Ariana Madix como Lady Gaga.

Generador di musica AI Udio ta ofrece oportunidad breve pa download despues cu acuerdo cu Universal ta disgusta usarionan

(AP) - Plataforma pa genera cu inteligencia artificial Udio a bisa cu e lo duna su usarionan frustra 48 ora cuminsando dialuna pa download nan cantica prome cu e compania cambia na un modelo di negoshi pa cumpli cu un acuerdo legal.

E oportunidad breve aki ta bini despues cu Udio riba diaranson a bisa cu el a yega un acuerdo den acusacionnan di violacion di derechonnan di autor cu Universal Music a trece dilanti, un compania cu artistanan cu ta inclui Taylor Swift, Olivia Rodrigo, Drake y Kendrick Lamar.

Compania di AI awo ta luchando contra asina hopi demanda di proteccion di derecho di autor, conoci como copyright, cu un grupo di e industria, Chamber of Progress, siman pasa a yama Presidente Donald Trump pa firma un orden ehecutivo dunando direccion na abogadonan federal “pa interveni den casonan legal” pa defende e industria su practica di crea herment di AI generativo pa medio di train esaki cu trabao cu tin proteccion.

Citando mas di 50 caso federal pendiente, e grupo a pidi sosten pa yuda stop lucha den corte cu ta resulta “den castigo cu ta potencialmente mata compania” cu ta menasa e inovacion di AI. Sinembargo



e artistanan a adverti cu hermentnan di AI construi riba nan obra tambe ta menasa nan ingreso.

Den un di e acuerdo mas grandi, e compania di AI Anthropic a acepta paga 1.5 biyon dolar - 3.000 pa cada buki - pa yega acuerdo di autornan cu ta acusa e compania di piratia casi mita miyon di nan obra pa train su chatbot.

Udio y Universal no a revela e termino financiero di nan acuerdonan di licencia pa musica nobo. Tambe nan a bisa cu nan lo uni pa crea un plataforma di streaming di musica nobo.

Como parti di e acuerdo, Udio inmediatamente a stop di permiti hende download e musica cu nan a crea, cual a causa critica y exodus di usarionan pagando. “Nos sa e dolor cu esaki ta causa na boso,” Udio

a bisa den un publicacion riba Udio su forum, unda usarionan tabata expresando nan sentimento di traicion pa e plataforma su decision repentino y a keha cu e ta limita kico nan por haci cu nan musica.

Udio a bisa cu e mester stop download mientras e ta transiciona pa un plataforma di straming nobo proximo aña. Sinembargo durante fin di siman, el a bisa cu e lo duna usarionan 48 ora cuminsando for di 11or di mainta dialuna pa “keda cu nan creacion den pasado.”

“Udio ta un compania chikito cu ta opera den un espacio increíblemente complejo y cu ta evolucionando, y nos ta kere cu partner directamente cu artistanan y escritornan ta e maner di sigui cana,” Udio a bisa den su publicacion.



E acuerdo ta e prome den e industria di musica desde cu Universal, conhuntamente cu Sony Music Entertainment y Warner Records, a demanda Udio y otro generador di musica AI, Suno, aña pasa a causa di violacion di copyright.

Udio y Suno ta pionero den tecnologia di genera musica cu AI, cual por crea musica nobo basa riba instruccion cu ta skirbi y duna e AI. Usarionan, ken no tin mester di talento musical, por pidi un ritmo den estilo di, por ehempel, rock clasico, synth-pop di 1980 of West Coast Rap.

Companianan di musica a acusa e plataformanan di explota e trabao graba di artistanan sin compensa nan.

Den su demanda entrega contra Udio aña pasa, Universal a busca manera di mostra con

e cancionnan crea cu AI traha riba Udio ta parece di demasiado na e cancionnan clasico cu ta pertenece na Universal manera Frank Sinatra’s “My Way,” The Temptations su “My Girl,” ABBA su “Dancing Queen” y favoritonan manera “Rockin’ Around the Christmas Tree” y “Jingle Bell Rock.”

Un grupo lidera pa musiconan, yama Artist Rights Alliance, a bisa diabierna cu Universal-Udio su acuerdo ta representa un paso positivo den crea “menasa existencial” na nan carera.

“Licencia ta e unico version di AI su futuro cu no ta resulta den e destruccion di arte y cultura,” e grupo a bisa. “Pero e promesa aki mester ta disponible na creadornan di musica, no djis na e corporacionnan grandi cu tin e derecho.”

Egipto ta presenta un museo gigantesco nobo dedica na su civilisacion antiguo

(AP) — Den un espectacular di imagenan faraonico cu un show di luz cu drone cu ta mostra diosnan antiguo y piramidnan den shelo, Egipto a anuncia diasabra su Museo Grandioso di Egipto cu tabata atrasa pa hopi tempo, un megaproyecto cu ta diseña pa duna e herencia milenio di e pais un presentacion moderno y luhoso.

Dos decada den desaroyo, e museo situa cerca di e Piramidnan di Giza y e Sphinx ta e punta di lansamento den e intento di gobierno pa impulsa e industria di turismo di Egipto y hala placa den e economia precario.

Na e ceremonia di anunciacion, cual a conta cu e presencia di varios miembro di Famia Real Europeo y Arabe, y otro presidentey prome minister nan, Presidente di Egipto Abdel Fattah el-Sissi a busca pa haci e evento riba un escala internacional. El a yama e asistentenan pa “haci di e museo aki un plataforma pa dialogo, un destinacion pa conocimiento, un foro pa humanidad y un señal pa tur cu ta stima bida y ta kere den e balor di humanidad.”

Un Intento pa uni na e fila di e museonan mas conoci na Mundo

E museo, conoci como GEM, ta un di varios megaproyecto sosteni pa el-Sissi desde cu el a cuminsa su cargo na 2014, embarcando den inversionnan masivo den infraestructura cu e meta di reanima un economia debilita pa decadas di impasse y castiga pa e inestabilidad cu a sigui e golpi di estado di Primavera Arabe di 2011.

E historia faraonico di Egipto a hacie desde hopi tempo un magnet pa turismo. Pero e tambe a lucha pa organisa y mostra e cantidad enorme di artefacto—tur cos di pidanan chikito di joya y muralnan di tumba colorido te na estatuanan imponente di faraonnan y diosnan cu cabes di animal, cu ainda mas ta ser descubri constantemente den henter e pais.

Anuncia como e museo mas grandi di mundo dedica na un solo civilisacion antiguo, e edificio nobo, di estilo contemporaneo, ta un contraste

simpel. Su salanan grandi y habri ta duna espacio pa aproximadamente 50.000 artefacto den exhibicion, hunto cu exhibicionnan di realidad virtual. E ta mostra e coleccion completo di tesoronan den e tumba di e famoso Rey Tutankamun pa prome biaha desde su descubrimiento na 1922.

E museo aki ta reemplaza e Museo di Egipto, aloca den un edificio di mas cu un siglo bieu den e centro di Cairo cu—aunke elegante den su estilo Neoclasico—a bira anticua y a ser compara cu un deposito, yen di artefacto cu masha poco splicacion.

Construccion riba e proyecto di \$1 biyon a cuminsa na 2005 bao mandato di e presidente Hosni Mubarak. Pero trabao a ser interumpi door di caos causa pa e golpi di estado di 2011 cu a tumba e homber fuerte di Egipto. Atraso adicional a sigui, y un anunciacion grandi plania pa e zomer mester a ser posponi despues cu e guerra di 12 dia entre Israel y Iran a surgi na juni.

GEM ta spera di atrae cinco miyon bishitante anualmente, e minister di Turismo y Antigüedadnan di Egipto, Sherif Fathy, a bisa. Esaki lo pon'e den e reino di e museonan mas popular di mundo. Na 2024, den comparacion, e Louvre di Paris a atrae 8,7 miyon, e Museo Britanico 6,5 miyon y e Museo Metropolitan di Arte na New York 5,7 miyon hende.

Ramses e Grandioso y Rey Tut

E museo ta orguyoso di un fachada di glas triangular imponente cu ta imita e piramidnan den bisindario, cu 24.000 meter cuadro di espacio di exhibicion permanente.

E ta habri pa un estatua gigante di Ramses e Grandioso, un di e faraonan mas poderoso di Egipto antiguo cu a reina pa casi 60 aña, for di 1279-1213 B.C., y ta acredita cu expande e alcance di Egipto antiguo te na Siria moderno den oriente y Sudan actual den sur. E estatua ta saluda bishitantenan mientras nan ta drenta den e entrada angular di e museo. E 12 galeriaprincipal di e museo, cual a habri aña pasa, ta exhibi antigüedadnan cu ta data for di e temporada prehistorico te na e era Romano,



organisa pa era y pa tema. Dos sala cu lo ser habri pa prome biaha despues di diasabra ta dedica na e 5.000 artefacto for di e coleccion di Rey Tutankamun—un farao jong cu a goberna for di 1361-1352 B.C. E graf a ser descubri door di arkeologo Britanico Howard Carter na 1922 den estado di Luxor. E Museo di Egipto bieu no tabatin espacio suficiente pa mostra e coleccion completo. E coleccion ta inclui e tres cama di funeral di e farao jong y seis garoshi, su trono di oro, su sarcofago cubri cu oro y su masaca di entiero, traha di oro, quartz, lapis lazuli y glas colorido.

Zahi Hawass, e arkeologo mas renombra di Egipto y ex-minister di Antigüedadnan, a bisa cu e coleccion Tutankamun ta e obra maestro di e museo.

“Pakico e museo aki ta asina importante, y tur hende ta spera pa e anunciacion?” el a bisa The Associated Press. “Pasobra e ta di Tutankamun.”

Impulso pa turismo y economia

Oficialnan ta spera cu e museo lo atrae mas turista cu lo keda pa periodonan mas largo y provee e moneda stranhero necesario pa fortalece e economia debil di Egipto.

Gobierno tambe a renoba e area rond di e museo y e piramidnan, y e Sphinx cercano. A traha un highway, y ta construyendo un stacion di metro cerca. Un aeropuerto, Aeropuerto Internacional di Sphinx, tambe a habri den occidente di Cairo—40 minuut for di e museo.

E sector di Turismo a sufri durante añas di caos politico

y violencia despues di e golpi di 2011. Den añanan reciente, e sector a cuminsa recupera despues di e pandemia di coronavirus y durante e guerra di Rusia contra Ucrania—e dos pais aki ta fuientenan principal di turista cu ta bishita Egipto.

Un record di aproximadamente 15,7 miyon turista a bishita Egipto na 2024, contribuyendo aproximadamente 8% di e GDP di e pais, segun cifranan oficial. Fathy, e minister di Turismo, a bisa cu ta anticipa aproximadamente 18 miyon turista e aña aki, cu autoridadnan anticipando 30 miyon bishitante anualmente pa 2032.

Esaki lo traduci den mas trabao y moneda stranhero den e economia, Walid el-Batouty, un guia den sector di turismo, a bisa.

Ja Morant ta haya suspension di 1 wega di Memphis pa conducta dañino na e ekipo

(AP) - Memphis a suspende guardia All-Star Ja Morant pa su wega diadomingo na Toronto Raptors, cu Grizzlies citando loke nan a describi como conducta cu ta dañino pa e ekipo.

Morant a anota solamente 8 punto den Memphis su perdida 117-112 contra Los Angeles Lakers diabierna anochi. El a tene un entrevista breve den e temporada despues di e wega, cu mayoria di su contestanan un forma di “bay puntra e empleadonan di coach.”

Morant tambe aparentemente no tabata enfoca durante partinan di e wega, te hasta canando algun paso leu di e area durante un timeout den e di dos mita. Ora a puntra kico a sucede durante e wega, Morant a bisa “Bay puntra nan,” refiriendo na e coach y su empleadonan. E

no a anota den e di dos mita. El a duna un contesta diferente ora a puntra si e ta sinti cu e por a hunga mas of kico por a bay diferente. “Segun nan, probablemente no hunga cumi,” Morant a bisa. “Esey ta basicamente kico e mensahe tabata, despues. No ta nada.”

Morant a hunga 8 minuut y 25 seconde den e ultimo kwartaal diabierna, mas cu cualkier otro hungado di Memphis. El a hunga total 16:11 minuut riba veld den e di dos mita, cual ta den e di dos luga den e ekipo; Jaren Jackson Jr. a hunga 16:20 despues di halftime. Morant no a logra ningun di su 7 tiro den e di dos mita.

Su suspension ta marca e accion mas recien den un serie largo di accion disciplinario cu Morant den añanan recien. El a ricibi un suspension dos



biaha den 2023 pa incidentenan cu arma di candela, dos di e eventonan aki costando e 33 wega y alrededor di 8.3 miyon dollar den salario.

E prome tabata un suspension di 8 wega pa e live streaming di un video den cual el

a muestra un arma di candela mientras den un estado entoxica na un club nocturno di Denver. E otro tabata un suspension di 25 wega despues di pose cu un arma di candela den un auto durante otro video di live stream, ora cu e liga a bisa Morant “tabatin e arma

den su man sabiendo cu e ta graba y cu e grabacion ta live riba Instagram Live, a pesar di a haci compromiso cu NBA y declaracionnan publico cu e no lo ripiti e conducta pa cual a suspende su persona caba.

Kyle Busch ta demanda compania di seguro pa \$8,5 miyon acusando practicanan cu ta defrauda

(AP) - Kyle Busch a compra loke el a pensa ta un plan di seguro di bida safe cu lo provee ingreso autofinancia pa su pension.

Ora cu Pacific Life Insurance Company a manda un di 6 aviso di prima den loke mester a ta un plan di pago di 5 aña - y gran parti di e placa cu el a inverti a desaparece -, e campeon dos biaha di NASCAR Cup Series a ripara cu algo ta malo.

“Mi di; warda un rato, dicon mi ta pagando prima di un di 6 aña?”, Busch a comenta for di Phoenix Raceway diasabra. “Nos a haci un yamada cu e menceer cu a bende e polisa di prima y el a keda draai rond, e no por a responde e preguntanan eora mi a pensa; esaki ta sospechoso.”

Unabes cu Busch y su casa Samantha a ripara cu algo ta malo, nan a bay un empresa independiente cu a descubri cu su polisa ta caduca den 16 luna y cu e 10,4 miyon dollar cu nan a inverti a desaparece completamente.

Awo e pareha ta demandando Pacific Life pa 8,5 miyon dollar, acusando cu e compania di seguro no a revela e riesgonan berdadero di e polisa,



ademas di provee representacionnan falso y negligente tocante loke ta supone di ta e ingreso liber di impuesto pa nan retiro.

Busch a bisa cu nan a garantisa cu, si e paga 1 miyon dollar durante 5 aña, e lo por retira 800.000 dollar pa aña asina cu e cumpli 52 aña. A cambio, nan a informa cu su placa a destina na e cuenta di e compania di seguro na luga di ser inverti den mercado, pa loke su inversion nunca a aumenta a base di loke e mer-

cado tabata subi. “Esey tabata un mentira,” Busch a bisa net prome cu e final di e temporada di NASCAR. “Mi a wak e y mi a pensa: esaki ta zona demasiado bon pa ta berdad, pero tin biaha bo tin cu confia riba esnan cu supuestamente ta buscando lo miho p’abo.”

Pacific Life a publica un comunicado bisando cu e no ta comenta tocante e casonan specifico di asuntonan individual pa mantene e privacidad y confiansa di su clien-

tenan. “Durante casi 160 aña nos a compromete na nos trabao, integridad y actua cu e miho interes di nos clientenan y nos ta sigui tuma e responsabilidad aki den serio,” e comunicado a detaya. “Pacific Life ta ofrece varios producto di seguro di bida diferente, cada uno cu característica unico cu ta importante compronde prome cu tuma un decision.” E tema en cuestion ta un polisa di seguro di vida universal indexa (Indexed Universal

Life Insurance), un combinacion di seguro di bida cu ta provee un beneficio di fayecimiento conhuntamente cu un componente di balor cash. E balor di e placa cash ta conecta na e indice di e mercado di accion, supuestamente cu proteccionnan inclui contra caidanen di mercado.

Na momento cu Busch a ripara kico a caba di pasa, su abogado a haya otro personanan cu a inverti den e tipo di seguro aki y a perde tur nan placa.

“E companianan di seguro aki ta demasiado grandi pa mete cu e hendenan chikito, pues nos ta bay pa nan,” el a bisa. “No ta djis atleta, corebornan of hende rico di mundo y esey ta e motibo dicon nos ta haciendo tur esaki publico.”

E demanda tambe ta nombra Pacific Life Agent Rodney A. Smith pa a hiba e pareha den un producto di riesgo haltu cu no por sostene, conhuntamente cu cobra un comision di 35% di cual nan no tabata altanto.

“Mi di, waw, prome cu mi placa sikiera a drenta Pacific Life, e homber a ricibi un comision di 35%,” Busch a bisa.

Momentonan clave di e victoria salba di Dodgers den Game 7 di Serie Mundial contra Blue Jays



(AP) — Homerunnan tarda door di Miguel Rojas y Will Smith a mobilisa Los Angeles Dodgers pa surpasa Toronto Blue Jays 5-4 na e di 11 inning diasabra anochi—un di e Game 7nan mas emocionante den historia di Serie Mundial.

Los Angeles a supera deficitnan di 3-0 y 4-2 y a scapa un situacion peligroso cu base yena na e di nueve inning pa bira e prome campeón consecutivo di baseball desde cu New York Yankees di 1998-2000 a gana tres titulo tras di otro.

Bo Bichette a persigui Shohei Ohtani for di e monticulo

Blue Jays a tuma un avance trempa di 3-0 ora Bichette a conecta un homer contra Ohtani, su prome homer desde 2 di september—un par dia prome cu el a sostene un lesion na su rudia banda robes cu a manten'e fuera di accion te na e Serie Mundial y ainda a molesti'e durante weganan. Ohtani tabata picha cu tres dia di descanso, y aunke su fastball a yega te na 100.9 mph, su comando tabata instabil y a parce cu a keda sin energia na e di tres inning. Despues di para e bunt di sacrificio di Nathan Lukes, el a picha un



bala malo pa Vladimir Guerrero Jr. y a permiti e homer di Bichette na e siguiente picha, su di 51 y ultimo di e anochi.

Bankinan a bira bashi despues cu Andres Gimenez ser golpia cu un picha

Tur dos banki y bullpennan a bira bashi despues cu left-hander di Dodgers Justin Wroblewski a golpia Gimenez na su man drechi cu un picha na e di cuater inning. Wroblewski ya a picha dos fastball halto-y-paden pa Gimenez cu su prome y cuarto picha prome cu el a dal e cu un fastball di 96.4 mph cu 1 out. Despues cu e hugadornan a regresa na nan banki y bullpennan, e umpirenan a reuni brevemente prome cu e hefe di tripulacion Mark Wegner a duna un advertencia pa tur

dos team. Wega a sigui despues di un pausa di cuater minut entre pichanan.

Miguel Rojas ta bira un heroe di postseason

Max Muncy a reduci e avance di Toronto pa 4-3 cu un homer solitario na e di ocho inning, y esey tambe a garantisa cu Ohtani lo a bati na e di nueve. Pero e superestrea no mester a bira e heroe. Rojas a pega e prome homer di empate den e di nueve inning of mas despues di un Game 7 di Serie Mundial, segun Stats Perform. Su bate sali for di Jeff Hoffman tabata solamente su di dos homer desde e All-Star break y su di dos den 20 wega di postseason den su carera.

Dodgers apenas a scapa di e fondo di e di 9 inning
Blake Snell a permiti dos

miho defensa, a bringa cu left fielder Kike Hernandez mientras e tabata purba catch e bate largo di Ernie Clement riba e pista di advertencia di left-center. Pages a wanta e bala pa e ultimo out di e inning a pesar di tira Hernandez riba vloer.

Blue Jays a laga tres coreador na base den e di dies inning

Los Angeles a yena e base cu un out na e di dies inning, pero Seranthony Dominguez a logra dos out rapido pa scapa. Gimenez a saca Mookie Betts na e home plate riba e rol di Pages pa shortstop, despues Guerrero a para esun di Hernandez pa e prome base y a haci un flip pa Dominguez cu tabata cubri e base den un purba hopi cerca.

Will Smith ta drenta den e leyenda di Serie Mundial

Smith a establece un record pa mas inning gara den un solo Serie Mundial cu 74, y el a yuda sigura cu no mester a gara un di 75 cu su homer solitario na e 11 inning. Smith a pega un slider di 2-0 for di Shane Bieber den e bullpen di Blue Jays na left field, dunando Dodgers nan prome avance di e anochi. Tabata e prome homer den un inning extra den un Game 7 di Serie Mundial.

Yamamoto a cera e wega

Guerrero a conecta un double contra Yamamoto liderando e fondo di e 11 inning y a avansa pa e di tres base riba e bunt sacrifica di Isiah Kiner-Falefa, y Toronto a haya e posibel coreador ganador na base ora Addison Barger a cana.

Yamamoto despues a induci un double play 6-6-3 cu Kirk pa termina e wega, cementando e di dos titulo consecutivo di Dodgers y su premio di MVP di Serie Mundial.



Pa hopi tempo no por a avansa tubonan pa captura di carbon. Un proyecto na Nebraska a mira un logro

(AP) — Un tubonan pa captura di carbon cu ta cubri varios estado a cuminsa opera na september, reduciendo emisionnan for di plantanan di etanol den e region Midwest di Merca y transportando e gas di dioxido di carbon ey pa ser dera permanentemente bao di tera na Wyoming—un logro despues di años di reclamo, demanda y legislacion cu a blokia esfuersonan similar di otro companianan.

Otro proyecto a provoca oposicion intenso, incluyendo un cu a acumula \$1 biyon den gasto sin garantia di exito, pero e Tubonan Tallgrass Trailblazer ta ser elogia. E motibo: negociacionnan comunal y apoyo financiero. “Mi ta desea pa tur compania di energia trata comunidannan cu mas respet manera Tallgrass a haci,” Jane Kleeb a bisa, di ken su grupo Bold Nebraska a bringa contra otro tubonan pa captura di carbon y di crudo.

E tubonan di Tallgrass a cuminsa move emisionnan for di 11 planta di etanol na Nebraska y un na Iowa pa un sitio na zuidoost Wyoming, unda e gas di invernadero lo ser dera 9.000 pia bao tera.

E proceso di fermentacion pa converti maishi den combustibel ta libera dioxido di carbon. Door di captur’e prome cu e ser libera den aire, plantanan por baha nan puntuacion di intensidad di carbon, haciendo e etanol mas atractivo pa refinamento den loke ta yama combustibel di aviacion sostenibel—un mercado cu algun ta kere por yega te na 50 biyon galon anualmente. E industria di etanol, cu ta concentra den e Midwest, ta mira combustibel di aviacion como esencial pa su futuro, compensando caidan an anticipa den e demanda pa combustibel di auto mientras mas chauffeur ta cambia pa vehiculonan electrico.

E gobierno federal ta animando captura di carbon via creditonan di impuesto lucrativo pa operadnan di sistemanan di tubo. E administracion di Biden a kier a anima un practica cu por reduci emision di gas di invernadero y e administracion di Trump a laga e creditonan sigui.



“Si un planta di etanol captura e carbon, esey ta baha nan index di carbon y nan ta bira un combustibel cu menos carbon, y tin un premium pa esey,” Tom Buis a bisa, CEO di American Carbon Alliance, un grupo di comercio. “Y nan tambe por produci combustibel di aviacion sostenibel for di dje. Combustibel di aviacion sostenibel ta un mercado enorme, gigantesco cu ta wardando pa un persona drenta y tum’e.”

Traha un ruta pa tubonan no ta facil

Por lo menos tres otro compania a propone tubonan pa captura di carbon den e Midwest, pero fuera di Tallgrass, solamente Summit Carbon

Solutions, cu ta basa na Iowa, ta persistiendo—y esaki tabata facil. Summit a propone un red di tubonan di varios biyon di dollar, den cinco estado, cubriendo decenas di planta di etanol, miles di kilometer y almacenamiento bao di tera na North Dakota.

Aunke cu apoyo fuerte for di gruponan agricola y e industria di etanol, Summit a trata cu oponentenan persistente cu no kier nan tereno tuma pa e tubonan y tin miedo di un kiebri di tubonan peligroso. Propietarionan a demanda pa blokia e tubonan y a busca ayudo di legisladornan. E legislatura di South Dakota a prohibi e uso di dominio in-

minente pa rutan asina.

Den respuesta Summit a pidi reguladornan di Iowa pa revisa su permiso pa e compania mantene un opcion pa un ruta cu lo evita South Dakota. “Nos enfoka ta keda na sostene companianan di etanol tanto posibel y traha un base fuerte cu ta yuda trahadonan di agricultura, plantanan di etanol y comunidannan rural alcanza e mercadonan cu nan lo depende pa decadas cu ta bin,” Summit a bisa den un declaracion.

E Agencia di Proteccion Ambiental di Merca ta supervisando un proceso riguroso pa inyeccion di dioxido di carbon bao tera, involucrando permitnan pa construccion y

inyeccion y regulacionnan pa protege fuentenan di awa di bebe bao tera, e Directornan Ehecutivo di Carbon Captura Coalition, Jessie Stolark, a bisa. Tipicamente, formacion di piedra poroso similar na un spons lo warda of atrapa e dioxido di carbon mas cu un 1 kilometer bao di tera, el a bisa.

Con Tallgrass a logra

Tallgrass tabatin un gran bentaha na e punto di comienso—nan a converti un linea di gas natural cu tabata existi caba. E gas natural a ser poni riba tubonan diferente mientras a adapta e Trailblazer. E compania a traha ramanan fuera di e ruta principal di 640 kilometer pa conecta na plantanan di etanol.

Pero Tallgrass tambe a haci e esfuerso pa interactua cu comunidannan riba su ruta. E compania a traha cu hende pa logra su proyecto “en bes di purba fors’e riba nos,” Lee Hogan, presidente di e comision di Condado di Adams na Nebraska, a bisa, di ken su cas ta casi 1 kilometer leu for di e tubonan.

A yuda cu Tallgrass a traha cu Bold Nebraska, un grupo di ciudadanonan, pa crea un fondo di inversion comunal cu lo haci pagonan anual na organisacionnan relaciona cu desaroyo di mucha chikito, cuido di adulto mayor eligibel pa Medicaid y alivionan alimentario.

Tallgrass lo haci un contribucion inicial di \$500.000 sigui pa pagonan anual basa riba 10 cent pa cada tonelada metrico di dioxido di carbon manda via e tubonan. E Fundacion di Comunidad di Nebraska, cual lo mancha e fondo, ta anticipa cu mas cu \$7 mion lo ser duna pa 2035 na 31 condado den cuatro estado.

Esaki ta un areglo unico, y un posibel modelo pa proyectonan den futuro, e lider di Fundacion di Comunidad di Nebraska, Jeff Yost, a bisa.

E vocero di Tallgrass, Steven Davidson, a bisa cu e fondo di inversion ta solamente un pida di e acuerdo di e compania cu Bold, cual el a bisa ta enfatisa cooperacion y transparencia, manera ora ta midi tereno y balora privilegio.

Chauffeur di Honda Fit a subi rotonde di Hato!



Diasabra madruga a drenta informe di un accidente riba e rotonde di Hato, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur a bin di Pos Abao pero a coy e caminda banda robes y cu velocidad halto a subi e rotonde. Debi na e impacto cu e muraya tanto e chauffeur como e ocupante a resulta herida. Na yegada di e ambulance nan a atende ambos victima y a transporta nan pa hospital.

Chauffeur ta bandona vehiculo despues di dal den acera riba E.J. "Watty" Vos

Diadomingo madruga a drenta informe di un accidente riba E.J. "Watty" Vos blvd., mesora a dirigi un patruya na e sitio.

Na yegada di e patruya a bin haya un Nissan March cu un wiel kibra hunto cu e acera kibra pero no a logra haya e chauffeur cual lo a bandona e sitio. A warda basta rato pa si acaso e reaparece y finalmente a confisca e auto te ora cu e doño bin dilanti.



Persona di edad a bay dal tras di auto y palo di luz na rotonde Paradera


Diasabra merdia a drenta informe di un accidente cu hende herida na e rotonde di Paradera, mesora a dirigi tanto polis como ambulance na e sitio.

Na yegada di e patruya a bin compronde cu un persona di edad yegando e rotonde

no a regula su velocidad ni a mantene distancia y a bay dal tras di un Hyundai sigui bay dal un palo di luz riba e rotonde. Debi na e impacto e chauffeur di edad a resulta levemente herida. Na yegada di e ambulance nan a atende e victima na e sitio mes.



Polis a haci varios detencion durante Halloween



Diabierna, riba dia di Halloween, polis tabatin nan mannan yen ta atendiendo cu varios detencion.

Durante celebracionnan di Halloween diabierna anochi, polis a haya varios informe y mesora a sali pa atende cu nan. A haci varios detencion,

incluyendo pa casonan di maltrato, pelea y personanan cu posesion di droga como tambe chauffeurnan bao influencia.

Accidente na Bubali a resulta den 3 herido



Diadomingo atardi a drenta informe di un accidente cu hende herida dilanti Cheng's Supermarket na Bubali, mesora a dirigi tanto polis como

ambulance na e sitio.

Na yegada di e patruya a bin compronde cu aki ta trata di un accidente frontal unda despues di e impacto un auto

a bay banda panort di e caminda y e otro pazuid. Esun panort un Honda BR-V a bay dal un palo di luz, kibra esaki, schuif den banda y dal riba un otro Honda staciona.

Mientras pazuid e Chevrolet suv a bay dal riba un Hyundai Grand i10 cu tambe tabata staciona. Debi na e fuerte impacto tres persona a resulta herida. Na yegada di e dos

ambulance a atende e victimanan y a transporta nan pa hospital.

Detenido kier a pone fin na su bida den cel na warda di Shaba

Diasabra atardi durante un control rutinario den e celnan na e warda di polis na Shaba a nota cu un detenido ta haciendo algo raro cu su curpa.

Mesora a bati alarma y a yama dokter y ambulance cu urgencia. Na yegada di e dokter cu e 2 ambulancenan cu a presenta a atend'e y a transporta e detenido cu urgencia pa hospital acompaña pa un polis.



Indocumentadonan ta sigui ser deteni y transporta pa Warda Nos Costa na Dakota

Diadomingo den oranan di madrugada patruyanan atento riba caya a haya 2 persona indocumenta y a detene nan.

Den oranan di mainta nan a ser hiba na e centro di detencion di indocumentadonan na Dakota pa eynan prepara nan papelnan pa deportacion y prohibicion pa drenta back.



Polis a bay banda di Hyatt pa un persona maltrata durante Halloween

Diasabra madrugada a drenta informe di cu dilanti Hyatt Hotel tin un persona cu lo a ser agredi pa algun persona, mesora a dirigi tanto polis como ambulance na e sitio.

Na yegada di e patruya a tuma declaracion di e victima y a nota e gravedad di e maltrato. Na yegada di e ambulance nan a atend'e y transporta e victima pa hospital.



Accidente pa falta di preferencia na Tanki Leendert a laga 3 auto kibra

Diadomingo madruga a drenta informe di un accidente entre tres auto na Tanki Leendert, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Kia Sportage a mal calcula e velocidad y distancia di e Ford Everest cu tabata riba e caminda di preferencia y nan a dal den otro bira e Ford di banda bay dal un Hyundai. Aunke e impacto



tabata fuerte toch afortunadamente ningun hende a resulta herida. Polis a bay cu un

di e chauffeurnan pa test si e ta bao influencia.



Homber a dal muher na Bubali y despues core bay sconde



Diadomingo madruga a drenta informe di un caso di maltrato na Bubali, mesora a dirigi tanto polis como ambulance na e sitio.

Na yegada di e patruya a bin compronde cu un homber a dal un muher y despues a core bay sconde. Na yegada di e ambulance nan a atende e dama herida.

Polis y ambulance a bay E.J. "Watty" Vos blvd. pa un accidente unda un mucha a resulta herida



Polis y ambulance a ser dirigi pa un caso di hincamento na Hendrikstraat



Diadomingo atardi a drenta informe di un caso di bringamento cu hincamento den Hendrikstraat, mesora a dirigi tanto polis como ambulance na e sitio.

Na yegada di e patruya a bin compronde cu tur cos a caba y e bringadornan como tambe esun hinca lo a bandona e sitio caba. Polis a cancela e ambulance pasobra tur esnan involvi a bandona e sitio.



Diadomingo atardi a drenta informe di un accidente cu mucha herida riba E.J. "Watty" Vos blvd., mesora a dirigi tanto polis como ambulance na e

sitio. Na yegada di e patruya a bin compronde cu un vehiculo coriendo cu velocidad halto a perde control y dal banda robes na acera meymey di e

vianan, bay man robes, subi e acera y a keda pega den mondi. Na yegada di e ambulance nan a revisa e mucha pero no tabata necesario pa hib'e hospital.

Parokia Inmaculada Concepcion lo tene un Food Drive

Parokia Inmaculada Concepcionhunto cu Asistencia Social Sta Cruz tatene riba dianan 8 y 9 di november 2025 un Food Drive. Esaki lo ta di 8or di mainta te cu 1or di merdia na Centro San Martin.

Meta di e food drive akitapayega na suficiente comestibelp-acumplecu nos clientenan den e luna nancutasigui. Nos tahaci un apelacion riba generosidad di nos parokianonan, pueblo di Aruba en general y tambe nos comerciantenan.

Por pasa riba e dos dianan menciona y lo tabaytinpersonanan presente putamaesaki. No tin mester di bahafo'i auto.

Di antemano nos tagradici un y tur cuta duna un manpayuda un ruman.



ANA y Fundacion Amigonan di Archivo cu actividad pa hobennan relaciona cu "Dia Nacional pa Conmemora tur luchador di resistencia nacional y den Reino"

Aña pasa, e fecha 6 di november a wordo decreta pa Gobierno di Aruba, como "Dia Nacional pa Conmemora tur luchador di resistencia nacional y den Reino".

Relaciona cu e fecha aki, e aña aki na Archivo Nacional Aruba conhuntamente cu Fundacion Amigonan di Archivo ta organisa un actividad pa hoben dia 4 & 5 di november y pa e publico general dia 6 di november proximo. E dianan aki ta brinda e oportunidad di bishita e exposicion di Archivo Nacional Aruba tocante e Segunda Guerra Mundial conmemorando e 80 aña di fin di e guerra.

Inspira pa "Dia Nacional pa Conmemora tur luchador di resistencia nacional y den Reino, dia 6 di november", un obra teatral lo ser presenta bou direccion di Sr. Charles



Croes y su elenco di Creative Art Aruba, titula 'E ultimo carta'. Inspira pa e ultimo carta cu e hoben Arubiano Boy Ecury a lucha pa e libertad, un luchador di resis-

tencia nacional y den Reino. Boy Ecury brutalmente a wordo fusila dia 6 di november 1944, mas cu 80 aña pasa y ta recorda su lucha.

Pa haci e proyecto specialmente pa e hobennan posibel, Fundacion Amigonan di Archivo cu e sosten di UNOCA y Het Cultuurfonds Caribische Gebied, a invita 4 scol secundario pa bishita e exposicion y presencia e obra teatral aki. E meta di e proyecto aki ta pa keda inverti den nos hobennan, inverti den enseñansa y pa educa nos hobennan di e historia di Aruba.

Pa e publico en general e presentacion lo ta diahuebs 6 di november pa 7.00 p.m. na Archivo Nacional Aruba, alabes tin oportunidad pa bishita y admira e bunita exposicion di segunda guerra mundial cual ta drentando su fase final, prome cu bin un exposicion nobo. Nos ta spera bo diahuebs 6 di november na Archivo Nacional.

Archivo Nacional Aruba y Fundacion Amigonan di Archivo kier a gradici Creative Art Aruba particularmente Sr. Charles Croes, Sra. Lupita Bernabela y e actornan participando den e obra teatral, UNOCA, Het Cultuurfonds Caribische Gebied, Subway Aruba, Directie Cultuur Aruba, VIA Rentals, Sr. Boy Ecury y e personal di Archivo Nacional Aruba pa nan sosten den e realisacion di e proyecto aki.

Resultado Sorteo 1 y 2 novemer 2025			
Cadena Alexander Lottery ta presenta resultado di weganan di suerte			
DIADOMINGO			
DIARIO	KORSOU	SUPER4	FLAMINGO
5187	6394	2175	3913
4103	6021	SUPER5	5978
4120	4439		1458
DIARIO	KORSOU	SUPER4	FLAMINGO
9360	7992	2024	1681
0971	6854	SUPER5	1899
1915	9309	-	5348
MERDIA		ANOCHI	
 Sorteo # 4790 0029 6300 9553  FP  Sorteo # 4790 5554  FP  Sorteo # 2846 0162  Sorteo # 4790 0125 Piscis  Sorteo # 1664 598  FP		 Sorteo # 2641 0 x Jackpot 0 x Match 4+ 11 x Match 4 308 x Afl. 12,00 07-09-10-18-24 Joker 20 Letter J Proximo Jackpot 235.000,-  04-07-08-19-21 Proximo Jackpot 50.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 400.000,-  Afl. 550.000,-  Sorteo # 	
 Sorteo # 4791 0891 9208 0362  X2  Sorteo # 4791 6177  X2  Sorteo # 2847 2516  Sorteo # 4791 2969 Aries  Sorteo # 1665 794  X2		 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 235.000,-  15-20-23-24-28 Proximo Jackpot 51.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 400.000,-  Afl. 550.000,-  Sorteo # 	



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle : Centro Medico:
Tel. 587 9011 Tel. 584 5794

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Abogado di Michigan ta bisa cu un plan di teror di Halloween cu director di FBI Kash Patel a describi nunca a existi

(AP) - Abogado di defensa di Michigan ta desafiando Kash Patel su acusacion cu su cliente di 20 aña y 4 otro hoben sospechoso tin plan di ehecuta un atake di teror riba e fin di siman di Halloween.

Anunciando nan detencion diabierna, Patel a bisa cu mas informacion lo bini pronto, sinembargo FBI y autoridadnan di Michigan a duna tiki detaye tocante e caso. Voceronan pa e estado y FBI nacional y Procurador General di Merca na Detroit no a responde inmediatamente na mensahenan diasabra.

E investigacion aki ta involucra dialogo den un chat online cu por lo menos algun di e sospechosonan cu a ser deteni, segun dos persona cu a ricibi informacion tocante e investigacion cu no por dialogo tocante detaye publicamente. Nan a papia cu The Associated Press bao condicion di keda anonimo. E grupo aparentemente a papia tocante ehecuta e atake rond di Halloween, refiriendo na "Pumpkin Day" segun un di e personanan. E otro persona cu a papia tocante e investigacion a confirma cu tabatin un referencia na "pumpkin."

Sinembargo, abogado Amir Makled, ken ta representa un homber di Dearborn cu ainda tabata deteni diasabra, a bisa



cu autoridadnan federal no a dun'e ningun detaye tocante e investigacion pero despues di evalua e topico, el a conclui cu no a plania ningun evento di teror. El a bisa cu e no ta anticipa cu lo bin cu cargo contra su persona. "Mi no sa di unda e histeria aki a bini," Makled a bisa.

El a describi e grupo di mu-

cha homber di Merca como Gamer, y a bisa cu nan tin entre 16 pa 20 aña di edad.

"Si e hobennan aki tabata riba forum cu nan no mester a ta of cosnan di e naturalesa aki, eora nos lo mester warda y wak," Makled a bisa. "Pero mi no ta kere cu tin cualkier cos ilegal tocante ningun di e actividad cu nan tabata haci."

Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: parcialmente nubla cu un awa-sero local

Temperatura maximo 32 grado celsius
Temperatura minimo 27 grado celsius
Indice di calor (heat index) den y rond di oranan di merdia: 33 pa 40 grado celsius
UV index: 12

Bahada di solo : 6:13 pm
Subida di solo : 6:34 am

Biento:

Moderado for di direccionnan entre oost-noordoost y oost-zuidoost;
Forsa 3 te 4 (12 te 30 km/ora, 7 te 16 nudo).

Durante di dia basta fuerte te posiblemente fuerte den rafaga;
Forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora:

No ta spera cambianan significante den e tipo di weer cu tin actualmente. Humedad disponible den atmosfera regional por induci un awa-sero local durante e periodo di pronostico aki. Un area di stof di sahara lo trece aire di menos calidad y stroba visibilidad. Personanan cu tin sensibilidad pa cambio den e calidad di aire mester tene esaki na cuenta.

Condicionnan maritimo/estado di lama:

Na partinan protegi di costa: Keto cu olanan rond di 1 pia.

Na partinan zuid: trankil te modera y cu olanan di 2 pa 3 pia.

Na partinan oost te noordwest di costa: Generalmente modera cu olanan alrededor di 4 pa 7 pia, localmente e por yega 8 pia.

Aviso/alerta:

Operadornan di boto chikito mester bay cu cautela na partinan oost te noordwest di costa.



Miedo ta aumenta pa miles atrapa den el-Fasher di Sudan mientras poco ta logra yega na seguridad

(AP)—Apenas algun miles Sudanes a logra yega na e campamento mas cerca pa desplazadonan e dia despues cu e forsan paramilitar di Sudan a tuma control di e ciudad el-Fasher, creando temor pa dies miles cu por ta atrapa ainda, mientras sobrevivientenan ta relata asesinatonan y atrocidad, segun un organizacion di ayudo a bisa diadomingo.

E Rapid Support Forces (RSF) a tuma control di region occidente di Darfur si man pasa, despues di expulsa e ehército rival di Sudan for di e ciudad cu tabata bao control pa 18 luna. Desde e tempo ey, reportahe y videonan a circula mustrandro atrocidadnan di RSF contra ciudadanonan, incluyendo golpiamento, asesinatonan y violacionnan, segun testimonio di ciudadanonan y trahadornan di ayudo. Segun e Organizacion Mundial di Salud (WHO), entre e mortonan tin al menos 460 persona asesina den hospital.

E agencia di migracion di UN a bisa diadomingo cu e ta calcula cu mas cu 8.000 persona a ser desplasa for di el-Fasher diasabra y diadomingo. Den total, 70.894 persona a ser desplasa desde cu RSF a tuma control, el a agrega.

Sinembargo, menos cu 6.000 a logra yega na e campamento mas cerca na Tawila, 65 kilometer leu, segun Shashwat Saraf, director di Sudan pa e Consejo Noruego pa Refugiadonan, cu ta opera e cam-



pamento. Casi 1.000 persona a yega durante e ultimo tres dia, el a bisa. “E cantidad ta hopi chikito ainda. Nos no ta mirando e shen miles cu nos tabata spera. Si hende ta kedaendo ainda den el-Fasher, lo ta hopi dificil pa nan sobrevivi,” Saraf a bisa The Associated Press via telefon for di Tawila.

E caida di el-Fasher ta marca un punto di nobo den e guerra entre e RSF y e forsan arma di Sudan, cual a cuminsa den april 2023. Mas cu 40.000 persona a ser mata, segun cifranan di UN, pero organizacionnan di ayudo ta bisa cu e cifra real por ta hopi mas halto. E guerra tambe a desplasa mas cu 14 biyon persona y a

causa brotenan di malesanan cu a mata miles.

“Nos ta sinti cu hopi hende ta atrapa na lugarnan caminda no ta safe pa nan move, y nan mester paga pa move, pero nan no tin placa,” Saraf a bisa.

Sobrevivientenan cu a logra scapa a conta storianan horroso di con nan mester a evita atacadornan cu tabata tira riba nan mientras nan tabata huy.

“Hende cu ta yega na e campamento ta generalmente desorienta y deshidrata, cu herida riba henter curpa. Tin biaha nan no ta corda nan nomber mes, y nan mester bay hospital pa haya fluido intravenoso,” Saraf a bisa.

Saraf tambe a bisa cu rond di 170 mucha chikito sin acompañamento, algun di nan apenas 3 aña, a yega na Tawila sin sa unda nan famia ta. Nan a yega hunto cu muchanan mas grandi of adultonan cu no tabata nan mayor.

Oficialnan di Sudan ta acusa Emirato Arabe Uni di apoya un “organizacion terrorista”

Den un conferencia di prensa diadomingo, embahador di Sudan na Cairo, Imadeldin Mustafa Adawi, a acusa e RSF di comete crimen di guerra den el-Fasher.

Adawi a bisa cu su gobierno no lo negocia cu e RSF y a pidi na comunidad internacional pa designa e grupo como un organizacion terrorista. “E gobierno di Sudan ta pidi na comunidad internacional pa actua inmediatamente y efectivamente, y no solamente pa haci declaracionnan di denuncia,” Adawi

a bisa.

Adawi tambe a ripiti e acusacion di su gobierno cu Emirato Arabe Uni ta armando e RSF, insistiendo cu e estado di Golfo no mester tin un rol den ningun esfuerso di mediacion.

Emirato Arabe Uni a duna apoyo na RSF y a opond e ehército di Sudan, señalando e lasonan di e ehército cu forsanan Islamico cu Abu Dhabi a opond pa hopi aña. Emirato Arabe Uni a nenga e acusacionnan, a pesar di evidencia bisando lo contrario.

Ora a puntra un diplomatico halto di Emirato Arabe Uni, Anwar Gargash, diadomingo tocante e apoyo pa RSF, e no a duna un respuesta directo durante e simposio di seguridad Manama Dialogue na Bahrain. El a bisa cu e comunidad internacional a haci un “error critico” ora el a duna apoyo tanto na e lider militar, General Abdel-Fattah Burhan, como su rival, comandante di RSF, General Mohammed Hamdan Dagalo, ora e ehército a kita un gobierno civil cu tabatin un acuerdo di comparticion di poder cu e Occidente na 2021.

“Nos tur a haci e error ora e dos general cu ta combatiendo den e guerra civil awor a tumba e gobierno civil,” Gargash a bisa. “Den mi opinion, mirando atras, esey tabata un error critico. Nos mester a pone un limite—nos tur hunto.”


Emirato Arabe Uni ta apoya un alto-al-fuego humanitario di tres luna, unda e dos partido ta negocia y un gobierno civil transicional forma dentro di nueve luna, el a agrega.

Tin preocupacion creciente cu e RSF por bolbe amplia su campaña militar pa e centro di e pais, reforsa pa su toma di control total di e region di Darfur.

Diesdos persona, incluyendo al menos cinco mucha, a ser mata den atakenan di RSF riba dos campamento cu ta alberga desplazadonan den e region central di Kordofan, segun e Red di Dokternan di Sudan, un grupo medico cu ta sigui e guerra, a bisa diasabra.



Polis di Reino Uni ta informa cu 10 persona ta na hospital despues di atake na stacion di trein



(AP) - Polis Britanico a bisa cu 10 persona a keda hospitalisa, 9 di nan cu herida asina severo cu nan bida ta den peliger, despues di un atake riba un trein direccion Londres diasabra anochi, y cu polis contra terrorismo ta brindando sosten na e investigacion.

Den un declaracion diadomingo trempan, British Transport Police, cual a tuma e direccion lider den e respuesta mirando cu esaki ta responsable pa loke ta trata seguridad riba trein, a bisa cu dos individuo a keda deteni en conexion cu e atake.

“10 persona a ser hiba hospital cu 9 di nan sospecha di a sufri

heridan sumamente severo,” e declaracion a bisa. “Esaki a keda declara un incidente grandi y Counter Terrorism Policing ta brindando sosten na nos investigacion mientras nos ta traha pa establece e circunstancianan completo y motivacion pa e incidente aki.”

E forsa policial tambe a bisa



cu “Plato,” e palabra codigo usa pa polis y servicionan di emergencia na loke por ta un “atake terrorista,” a ser inicia. E declaracion aki a ser kita despues pero no a revela ningun motibo pa e atake.

“Nos ta haciendo investigacion urgente pa establece kico a sucede y e por tuma tempo prome cu nos ta den un posicion unda nos por duna confirmacionnan,” Chris Casey, hefe di Polis a bisa. “Na e etapa trempan aki e no ta apropiada pa specula tocante e causanan di e incidente.”

E atake a tuma luga mientras e trein di Doncaster pa London King’s Cross a dirigi pa Huntingdon, un pueblo algun pia northwest di e ciudad universitario di Cambridge.

Servicionan di emergencia, incluyendo polis arma y ambulance aereo, a responde rapidamente mientras e trein tabata yegando Huntingdon. E atake aparentemente a ser conteni rapidamente despues cu e trein a yega stacion, y oficialnan polis cu trahe forensico y unidad K9 por a ser mira riba e plataforma.

Trump ta menasa Nigeria cu posible accion militar y ta escala acusacion di persecucion di Cristiannan

(AP) - Presidente Mericano Donald Trump riba diasabra a bisa cu el a duna ordo na Pentagon pa cuminsa cu plan pa posible accion militar na Nigeria mientras el a eleva su acusacion cu e gobierno ta fracasando den atende e persecucion di Cristiannan den e pais west Africano.

E presidente tambe a adverti cu e lo “inmediatamente stop tur sosten y ayudo na Nigeria.”

“Si e gobierno di Nigeria sigui permiti e asesinato di Cristianan, Merca lo inmediatamente stop tur sosten y asistencia brinda na Nigeria, y posiblemente lo dreña, e pais awo fuera di gracia, cu arma den man, pa completamente deshaci di e teroristanan Islamico cu ta cometiendo e atrocidadnan horrible aki,” Trump a publica riba rednan social. “Pa medio di esaki mi ta dunando instruccion na nos Departamento di Guera pa prepara pa posible accion. Si nos ataca, e lo ta lihe, vicioso y dulce, mescos cu e teroristanan cu ta ataca nos Cristiannan stima.”

E advertencia a bini despues cu Nigeria su presidente Bola Ahmed Tinubu anteriormente riba diasabra a critica Trump su anuncio un dia anterior unda e ta designa e pais uno di “preocupacion particular” pa supuestamente fracasa den proteha ciudadanonan di tur fe.”

Den un publicacion riba rednan social diasabra, Tinubu a bisa cu e caracterisacion aki di Nigeria como un pais cu ta religiosamente intolerante no ta refleha e realidad nacional.

“Libertad di religion y tolerancia ta un parti fundamental di nos identidad colectivo y semper lo ta asina,” Tinubu a comenta. “Nigera ta opone persecucion religioso y no ta encurasha esaki. Nigeria ta un pais cu garantianan constitucional pa proteha ciudadanonan di tur fe.”

Trump riba diabierna a bisa cu “Cristianidad ta enfrentando un menasa existencial na Nigeria” y “Islamistanan radical ta responsable pa e asesinatonan masal aki.”

Trump su comentario a bini simannan despues cu Senador Mericano Ted Cruz a urgi Congreso designa Africa su pais mas pobla como violador di libertad religioso cu acusacionnan di “asesinato masal Cristian.”

Nigeria su poblacion di 220 miyon ta parti casi di manera igual entre Cristiannan y Musulman. E pais tin hopi tempo ta enfrenta inseguridad for di varios banda incluyendo e grupo extremista Boko Haram, cual ta busca establece su interpretacion radical di ley Islamico y tambe a tuma accion contra Musulmannan cu e no ta considera suficientemente Musulman.

Atakenan na Nigeria tin varios motibo. Tin esnan religiosamente motiva contra ambos Cristiannan y Musulman, choke entre e agricultornan y pastornan a causa di recurso nan cu ta cabando, rivalidad den comunidnan, gruponan secesionista y chokenan etnico. Mientras cu Cristiannan ta entre esnan ataca, analistanan ta bisa cu e mayoria di victima di



gruponan arma ta Musulman den Nigeria su parti nort unda mayoria ta Musulman, unda mayora di e atakenan ta sucede tambe.

Kimiebi Ebienfa, vocero di ministerio di Exterior, a reitra e compromiso di Nigeria pa proteha e ciudadanonan di tur religion.

“E gobierno federal di Nigeria lo sigui defende tur ciudadano, sin improta rasa, credo of religion,” Ebienfa a bisa den un declaracion diasabra. “Mescos cu Merca, Nigeria no tin otro opcion mas cu celebra e diver-

sidad cu ta nos fortaleza mas grandi.”

Nigeria a ser poni riba e lista di pais di preocupacion particular di Merca pa prome biaha den 2020 a causa di loke e pais ta yama “violacionnan sistematico di libertad religioso.”

E designacion aki, cual no ta separa atake riba Cristianan, a ser kita den 2023 den loke e observadornan ta bisa ta un manera di mehora e lasonan entre e paisnan prome cu e Secretario di Estado di e tempo aki Anthony Blinken su bishita.

Corea di Sur ta pidi pa mas esfuerse di China pa trece Corea di Norte back na dialogo

(AP)—Presidente di Corea di Sur, Lee Jae Myung, a pidi presidente Chines Xi Jinping pa haci mas esfuerse pa convence Corea di Norte pa bolbe na dialogo, mientras cu e dos lidernan a logra un serie di paso pa amplia nan laso economico y di otro tipo diasabra.

Nan reunion personal a tuma luga algun ora despues cu nan y otro lidernan di Asia-Pacifico a finalisa un cumbre anual na Corea di Sur cu un declaracion conhunto pa fortalece cooperacion economico. E foro di Cooperacion Economico Asia-Pacifico (APEC) den ciudad di Gyeongju a tuma luga un dia despues cu Xi y presidente Mericano Donald Trump a logra un acuerdo pa rebaha tensionnan di nan guerra comercial.

Durante su reunion cu Lee, Xi a pidi pa Seoul traha hunto cu Beijing pa “practica multilateralismo genuino,” segun medionan estatal Chines, mientras cu e ta sigui posiciona Beijing como defensor di e sistema di comercio global cu Trump a menasa cu su tarifanan amplio.

Xi y Lee ta trata tema di Corea di Norte

Segun reportahenan di medio estatal Chines tocante e reunion entre Xi y Lee, no tabatin comentario directo di Xi tocante Corea di Norte.

Sinembargo, Wi Sung-lac, director di seguridad nacional di Lee, a bisa cu Lee durante e reunion a presenta su strategia pa logra desnuclearisacion den e Peninsula Coreano y “a



pidi pa un rol constructivo di China pa yuda logra e resumen di dialogo cu Corea di Norte.”

“Xi a responde cu e lo sigui su esfuersonan pa yuda resolve e asuntonan relaciona cu e Peninsula Coreano y promove paz y estabilidad eyan,” Wi a bisa.

China ta e aliado tradicional y canal economico di Corea di Norte, pero ainda tin duda riba con hopi influencia e tin realmente riba su bisiaña pover. China tabata pa haci tempo sospecha di no implementa e sancionnan di UN contra Corea di Norte y di manda ayudo den secreto pa yuda e Norte keda para y sigui sirbi como un barera contra influencia di Merca den e Peninsula Coreano.

E mencion di Corea di Norte den e reunion Lee-Xi a provoca un reaccion irita for di Pyongyang. Viceminister di Asunto Exterior di Corea di Norte, Pak Myong Ho, a critica Corea di Sur pa papia di “su soño ilusorio” di logra

desnuclearisacion di Corea di Norte.

Lee, un partidario di reconciliacion cu Corea di Norte, a bisa mas tempran diasabra cu e lo tuma “pasonan mas activo y preventivo” pa rebaha tension militar cu e Norte, enfatisando cu paz den e Peninsula Coreano ta esencial pa prosperidad di region Asia-Pacifico.

E oficina di Lee a bisa cu Corea di Sur y China tambe a firma varios acuerdo pa combati estafanan digital, amplia e acuerdo di comercio liber bilateral y renoba un acuerdo di intercambio di moneda cu a termina luna pasa.

Comercio y inversion ‘vital’ pa crecimiento di region

Despues di dos dia di dialogo, lidernan di APEC a priminti mas cooperacion pa enfrenta desafionan comun den un economia global afecta pa proteccionismo y tension di comercio entre Merca y China, e dos economia mas grandi di mundo.



Nan declaracion conhunto a reconoce cu “e sistema di comercio global ta sigui enfrenta desafionan significativo.”

“Nos ta reafirma cu un comercio y inversion fuerte ta esencial pa crecimiento y prosperidad di e region Asia-Pacifico,” e declaracion ta bisa.

Jeonghun Min, profesor na e Academia Diplomatico Nacional di Corea di Sur, a bisa cu e declaracion a evita usa palabra directo di apoyo pa “comercio liber y habri,” cu no lo a haya respaldo di Merca, pero ainda a sostene cooperacion economico y multilateralismo como centro di mision di APEC.

“No tabata posible pa kita esey completamente,” Min a agrega.

E declaracion conhunto tambe a reafirma un compromiso di e miembro di APEC cu Vision Putrajaya 2040, un plan di crecimiento pa 20 aña adopta den 2020 cu ta pidi pa un ambiente di comercio “liber, habri, husto, sin discriminacion, transparente y predecibel.”

Lidernan di APEC ta trata tema di AI y demografia

Mientras cu e sesion di apertura diabierna tabata concentra riba maneranan pa stimula comercio y inversion, e reunion diasabra tabata inclui cooperacion den tereno di inteligencia artificial, retonan demografico y e industria cultural.

Xi a pidi paisnan di Asia-Pacifico diasabra pa promove un “desaroyo sano y ordena” di AI den un manera cu ta tene na cuenta e bienestar di humanidad completo. El

a propone formacion di un organismo global nobo yama World Artificial Intelligence Cooperation Organization.

Trump, conoci pa su rechazo di multilateralismo, a bay for di Corea di Sur inmediatamente despues di su acuerdo cu Xi, lagando e presidente Chines gara atencion den e cumbre di APEC. Merca bao Trump a retira for di e esfuerse pa regula AI y no ta probable cu e lo uni cu e grupo cu China a propone.

Lidernan di APEC tambe a emiti un declaracion diasabra pidiendo pa un enfoke coordina pa e cambio cu AI ta atrae, cual nan a describi como un posible catalisador economico pero cu tambe ta presenta retonan. Un otro declaracion a pidi pa cooperacion pa enfrenta e tasa abao di nacemento, poblacion embeheciendo y urbanisacion accelera.

Diabierna, Xi a bisa den e cumbre cu China lo sigui duna apoyo na comercio global liber y estabilidad di cadena di suministro—un intento pa posiciona su pais como un alternativa na politicanan proteccionista di Trump. Den comentario skirbi pa un cumbre pa CEO cu tabata tumando luga den combinacion cu e evento di APEC, Xi a bisa cu “inverti na China ta inverti den futuro.”

Estableci na 1989, APEC ta defende comercio y inversion liber y habri pa promove integracion economico regional. Pero e region ta enfrentando retonan manera e rivalidad Merca-China, interrupcion den e cadena di suministro, poblacion embeheciendo y impacto di AI riba trabao.

